



Bi Barzanî re berdewam!



Qeyrana ku li ser guherîna destûrê ya di derbarê Serokatiya RHK de rû dabû, hefteya çûyî rê ber li dabeşbûna siyasî û pûçbûna Parlamentoyê vekiribû. Ji ber ku di parlamenê de biryarek nehate stendin û egeriya xeteriya bêserokmayîna RHK'ê peyda bû, Lijneya Bala ya Dadê di 18'ê Tebaxê de kom bû û biryara 2 salên din berdewamkirina serokatiya Barzanî da. **R02 - 03**

DYA û Brîtanya ji ber bi xetera ku ev qeyran dikare tekoşîna li dij DAIŞ'ê lawaz bike hesiyan, dest bi navbeynkariya aliyên siyasî kirin da ku qeyran bê çareserkirin. Şandeyên payebilind ên DYA û Brîtanya hefteya borî serdana Hewlêrê kirin û bi berpîrsên hemû partiyên civînê pêk anîn. YNK û Goran di van civînan de soza çaresiyê dabin jî, piştî komcivînan helwestên cûda nîşan dan.

Rojava: Serdemeke nû hêzên nû

Gengeşî û nezelelaliya ku bi têkçûna DAIŞ'ê ya ji hêla hêzên kurd ve berdewam e û her ku diçe jî balkêştir û tarîtir dibe. Wek tê zanîn bi qewirandina DAIŞ'ê ya ji herêmê re û bi taybetî ji rizgarkirina Girêspî Tirkîye ji nêz de têkildarî mijarê bibû û polîtîkaya xwe ya gelemperî ya Sûriyê guhertibû. Piştî qetliyama Pirsûsê jî cara yekem Tirkîye'yê hin êrişên lewaz biribûn ser DAIŞ'ê û hat ragihandin ku derbasbûna DAIŞ'yan a di ser sînorê Tirkîye'yê re ji wê pê ve pêkan nîn e. **R04-5**



"Medyaya Başûr azad e"

Li Kurdistanê qeyranên siyasî û rikberiya nav hêz û partiyên siyasî yên navperçeyan û yên heman perçeyan bandoreke mezin a neyênî li ser meşandina polîtîkayeke neteweyî dike. Di vê qeyranê aloziyê de bêguman rola çapemeniya kurd jî nayê piştguhkirin; Lewre tahakkuma aliyên siyasî ya li ser dezgehên ragihandinê li ser karê rojnamegeriyê û xebatên ragihandinê jî bandoreke mezin a neyênî dike. Serokê Sendikaya Rojnamegerên Kurdistanê Azad Hemedemîn rewşa çapemenî û siyasîyê nirxand. **R08-9**

"Rojava vala dibe"

R06

"Amadekariyên şer kiribûn"

R12

"DAIŞ projeya têkbirina kurdan e"

R13

Rojhilat

PDKî 70 salî ye

R07

Kırmanckî

Venge Hardema

R14

Welat

Meletî

R10-11

Gabar Çıyan

Du Pisman...

R15



Du salên din jî Barzanî

Mustafa Turan

Di vê pêvajoya ku qada siyasî ya Başûrê Kurdistanê awirê xwe li ser peyvana Serokatiya Herêmê tûj kirî ye de, li herêmê kuştina serkirdeyê düyem yê DAIŞ'ê Fadi Ahmed El Xeyalî, bi hinceta ku mûçeyên xwe nasitînin rûdana çalakiyên protestoyî yê milîşeyên Heşdî Şabi yê li dij Bexdayê, hişyarkirina Serkirdeyê şiyar Eli Sîstanî ya egeriya ku Bexda reformên pêwîst bi cih neyîne wê perçe bibe û li Tirkîyeyê pêşkêşkirina parlamentê ya tezkereya ku rê li ber şandina derveyê Tirkîyeyê ya leşker geşedanên ku derketin pêş in.

Ji ber rûdana qeyrana siyasî ya ku di xwe de xeteriya tekbirina fersenda serxwebûnê ku bi bedelên mezin hatibû dabinkirin di hewînê, çavên hemû kurdan li Hewlêrê ye. Qeyrana ku li ser guherîna destûrê ya di derbarê Serokatiya Rêveberiya Herêma Kurdistanê (RHK) de rû dabû, heftaya çuyî pêşî li dabêşbûna siyasî û pûçbûna Parlametê vekiribû. Ji ber ku di parlamenê de bîrîyarek nehate stendin û egeriya xeteriya bêserokmayîna RHK'ê peyda bû, Lijneya Bala ya Dadê di 18'ê Tebaxê de kom bû û biryara 2 salên din berdevamkirina serokatiya Mesûd Barzanî da.

DYA û Britanya ji ber bi xeteriya ku ev qeyran dikare tekoşîna li dij DAIŞ'ê lawaz bike hisîyan, dest bi navbeynkariya aliyan siyasî kirin da ku qeyran bê çareserkin. Şandeyên payebilind ên DYA û Britanya heftaya çuyî serdana Hewlêrê kirin û bi berpîrsên hemû partiyar re yek bi yek û di dawiyê de ji bi hemûyan re komcivînan pêk anin. Jêderên herêmî ragihandin ku YNK û Goran di van komcivînan de soz dane şandeyan, lê belê piştî komcivînan helwestên cûda nişan dane. Hate ragihandin ku di

Bi nêzîkbûna 20'ê Tebaxê roja temambûna maweya serokatiya Serokê RHK'ê Mesûd Barzanî re, xeteriya çaresernekirina qeyranê jî hêdî hêdî xwe da diyarkirin û partiyên siyasî dest bi komcivînan kirin û projeyan amade kirin.

civîna 5 partiyên siyasî yê RHK'ê ya 19'ê Tebaxê de Şandeya Amerîkî, berdevamiya serokatiya Mesûd Barzanî pêşniyaz kiriyê; Lê belê ji ber ku nexwestine weke destwerdana navxweyî ya Herêma Kurdistanê dikin bê xuyakirin, helwesteke fermî nişan nedane.

Qeyran, di 22'ê Hezîranê de ji alî YNK, Tevgera Goran û bi piştgiriya Yekgirtûyî Islâmî û Komeleyî Islâmî, pêşkêşkirina ji parlamenê re ya pêşnûmayasaya ku erka hilbijartina Serokê Herêmê radestî parlamenê dike û desthilata wî kêmtir dibe, destpê kir. Wê demê, ji ber ku Balyozê Îranê yê Hewlêrê jî ji rûniştina pesendkirina vê pêşnûmayasayê re hatibû vaxwendin, PDK'ê vê yekê wek hewldana Îranê danas kiribû û danîştinê bojkot kiribû.

Projeyên çareserkirina qeyranê

Bi nêzîkbûna 20'ê Tebaxê roja temambûna maweya serokatiya Serokê RHK'ê Mesûd Barzanî re, xeteriya çaresernekirina qeyranê jî hêdî hêdî xwe da diyarkirin û partiyên siyasî dest bi komcivînan kirin û projeyan amade kirin. Piştî ku roja 20'ê Tebaxê hat, Tevgera Goran pêşniyaza bi şerta piştî 2 salan Serokê Herêmê ji alî parlamenê ve bi hilbijartinê û desthilata serokê bê kêmkirin, 2 salên din dirêjkirina serokatiya Barzanî kir. Her wiha Cigirê Sekreterê Giştî yê YNK'ê

Berhem Salih jî projeyeke ku li gel pêşniyaza Tevgera Goran, di maweya 2 salan de di bin banê Wezareta Pêşmerge de yekdestkirina hêzên Pêşmerge û damezirandina Lijneya Serokatiyê ku wê di derbarê frotina neftê û geşedanên aborî de daneyan berhev bike û van daneyan wek raport jî raya giştî re ragihîne, pêşkêş kir. Lê belê ev herdu pêşniyaz jî nehatin çibîckirin.

"Barzanî li ser erka xwe dimîne"

Ji ber ku di encama niqaş û komcivînan partiyên siyasî de encamek nehate bidestxistin, piştî serdana Endamê Polîtîburoya PDK'ê û Cigirê Serokê Parlamenta Kurdistanê Cafer Emînkî ya Wezareta Dadê, Lijneya Şuraya Bala ya Wezareta bi peyameke nivîskî ragihand ku Şûrayê biryar daye ku heta hilbijartinên nû yê serokatiyê, wê Serokê RHK'ê Mesûd Barzanî bi desthilata xwe ya niha li ser erka xwe bimîne. Şûrayê di metna biryara xwe de destnîşan kir ku ev biryar di heman demê de ji bo partiyên siyasî pêşniyaz e; Lê belê ev biryar di heman demê de bîrîyarek destûrî ye jî. Piştî vê biryarê partiyên siyasî jî bo pîrsgirêk di parlamenê de bê çareserkin hewl dan ku parlamentê kom bikin, lê belê ji ber ku PDK'ê banga bojkotkirinê kir, hejmar 56 ya ku ji bo kombûna parlamentê pêwîst e ne civiya, danîştina parlamentê nehate kirin.

Meclisa Şûra: Biryar yasayî ye

Meclisa Şûra ya Bala ya Herêma Kurdistanê ku di sala 2007'an de di çarçoveya yasaya hejmar 13 de, di bin banê Wezareta Dadê de hate damezrandin û di sala 2008'an de bi yasaya hejmar 14 rêbazên wê yê xebatê jî alî Parlamenê ve hatin destnîşankirin di peyama xwe de her wiha destnîşan kir ku biryara ku Şûrayê wergirtiye yasayî û tekez e. Meclisa Şûra jî ber ku mecliseke yasayî ye û erka wê ya di mijarên wiha de biryaran bistîne heye, ji Lijneya Serokatiyê, Lijneya Giştî û Leqên Dadgehên Îdarî pêk tê.

'Çareserî nêzik e'

Di vê pêvajoya ku ji bo çareserkirina qeyranê gellek civînên 5 qolî tene lidarxistin de Serokê Diwana Serokatiya RHK'ê Fûad Huseyn daxuyand ku aliyan siyasî nêzikî biryareke hevbeş in û çareserî nêzik e.

Piştî vê bûyerê Parlamenê Tevgera Goran Berzo Macîd ragihand ku RHK'ê niha bi valahiyeke yasayî re rû bi rû ye, pêwîstî bi çareserkirina vê pîrsgirêkê kir û got: "Ger pîrsgirêk neyê çareserkin pêwîste Serokê Parlamentê bi wekaleatî erka serokatiya Herêmê têxe destê xwe"

Bi hatina 20'ê Tebaxê re, ji ber ku diyar bû ku rewş ber bi aloziyê ve diçe, 5 partiyên siyasî yê ku di parlamenê de komên wan hene, li Hewlêrê dest bi rêze civînên 5 qolî kirin. Partiyar di 21'ê Tebaxê de piştî 3 civînên 5 qolî, her çiqas nêzîktirî hev bûbin jî, biryara stratejiyêke hevbeş û mayinde wernegirtin. Piştî civîna dawî Serokê Diwana Serokatiya RHK'ê Fûad Huseyn daxuyaniyek da û da zanin ku parti jî destpêkê bêtir nêzikî hev bûne, di 23'ê Tebaxê de wê parti vê carê li Silêmanî li hev bicivin û ji vê civîna Silêmanî hêviya wan ew e ku parti stratejiyêke

hevbeş diyar bikin û li ser wê biryar bidin.

Di van civînên ku Endamên Lijneya Yasadan a Parlamenê jî beşdar bûn de hate ragihandin ku 5 partiyar biryar standine ku projeyêke hevbeş bê amadekirin. Her wiha hate gotin ku ger bê amadekirin wê proje jî alî Lijneya Yasadan ve bê nivîsandin.

'Bê Barzanî nabe'

Di pêvajoya piştî Hezîrana 2014'an ku bi êrişkirina DAIŞ'ê ya Kurdistanê destpê kir de, her çiqas piştî Enfal û Hebcyê kurd, rasî mezintirîn komkujîyan hatibin jî, bi saya şerê bêhempa yê li dij DAIŞ'ê hate kirin, kurdan jî dinyayê re dane nişandan ku ew tekane hêz in ku dikarin DAIŞ'ê têk bibin, bi vî awayî di raya civak û siyasîyê navneteweyî de piştgiriyeke mezin wergirtin û vê rewşê re da ku kurd dest bi hewldanên diplomatîk ên serkeftî bikin û di encama vê diplomasiyê de jî hêzên mezin ên dinyayê jî bo piştgiriya xwe ji kurdan re ragihînin ketin rêzê.

Di vê pêvajoya ku li Rojhilata navîn geşedanên mezin pêk tên de, derdorên ku têgihîştine ger ev qeyrana çêkirî ya li dij Barzanîyê ku bi mebesta di nav şerê mezin ê li Rojhilata navîn rû daye de jî bo kurdan fersendên mezin bi dest bixwe vîneke polayî nişan dide bi ser bikeve, wê li Kurdistanê şkestên mezin rû bidin, radigihînin ku ew ê serê xwe li hember vê helwestê netewînin. Ji ber vê yekê berdevamiya serokatiya Barzanî ji prosedoren yasayî zêdetir, xwedî grîngiyek pir mezin e; Lewre RHK'ê defakto be jî raketiya asta dewletan û tê payin ku di sîberoya nêzik de wê ev rewşa defakto rengêki fermî werbigire û serxwebûna Kurdistanê bê ragihandin. Çavdêrên siyasî jî diyar dikin ku bîyî Barzanî wê kurd nikarin bi vê pêvajoyê serkeftî derbas bikin û destnîşan dikin ku sîberoya nêzik a Kurdistanê bîyî Barzanî nabe.

"Barzanî bê alternatif e"

Ji alî din ve analîstên polîtîk ên emerîkî jî di nîrxandinên xwe de diyar dikin ku ji bo RHK'ê alternatifê Barzanî tune ne. Pîsporê Tirkîye û Kurdistanê yê Navenda Woodrow Wilsonê, Henri Barkey ragihand ku ji bo Serokatiya RHK'ê jî bîlî Barzanî tu navek din nayê hişê wî. Barkey destnîşan kir ku wî jî bo Serok Barzanî erka xwe berdevam bike vê nêrinê jî berê xwe ve nehaniye ziman û got: "Ger rewşa niha baş bê xwendin tê dîtîn ku Barzanî bê alternatif e û Amerîka jî di vê baweriyê de ye" Barkey, di Beşa Têkiliyên Navneteweyî û Zanista Polîtîk a Zanîngeha Lehîg de hînkare e û bi pirtûka bi navê "Pîrsgirêka kurd a Tirkîyeyê" ya ku wî û Şefê Îstgeha Rojhilata Navîn a CIA'yê Graham Fuller bi hev re nivîsandibûn tê nasîn.

Ji alî din ve Berdevkê Wezareta Derve ya DYA John Kirby, di daxuyaniya xwe ya rûtîn a 20'ê Tebaxê de diyar kir ku ew geşedanên aborî û leşkerî yê li Iraqê grîng dinirxînin û da zanin ku geşedanên rû didin ger di derbarê serê li dij DAIŞ'ê de be, ew geşedan jî bo Hêzên Hevpeymaniya Navneteweyî grîngtir tê nîrxandin. Kirby got: "Ji ber vê yekê meseleya Serokatiya Herêma Kurdistanê jî bo me pir grîng e"

Parlamenê Yekgirtû: Em xapandin

Her ku qeyran aloztir dibe, detayên ku bîna sedemê rûdana qeyranê jî roj bi roj

aşkere dibin. Piştî ku di 22'ê Hezîranê de bi teşwîqa Îranê YNK û Goran, Yekgirtû û Kameleyê jî dan dî xwe û bi destxistina dengên xwestin derba parlamentî pêk bînin, Dindar Doskî ku di nav Yekgirtû de xwedî grîngiyêke mezin e, li dij helwesta partiya xwe bertek nişan da û jê veqetiya. Piştî Doskî, parlamenê Yekgirtû Sahrab Rêkanî jî bertek nişan da.

Sahrab Rêkanî da zanin ku beriya 22'ê Hezîranê roja ku pêşnûmayasaya ji parlamentê re hate pêşkêşkirin, ew bi nûnerên van partiyar re li gel Serokê Diwana Serokatiyê civiyane û biryar hatiyê dayin ku pêşkêşkirina pêşnûmayasayê bê taloqkirin, lê belê ew biryar pêk nehatiyê. Rêkanî got: "Em hatin xapandin, lewre Serokê Parlamentê jî di vî civînê de bû û pêwîste biryara civînê jî raya giştî re aşkere bike. Hin parlamenan li dij vî biryarê îmze berhev kirin, lê Serokê parlamenê van îmzeyan nedîtî hesaband. Van partiyar jî bo hilbijêrên xwe jî dest bermeandin helwesteke wiha nişan dan û me xapandin"

Gellek parlamenê Yekgirtû'ya ku di destpêkê de bi YNK û Goran re tevgeriya, lê dûra şkestekê xwar, ji helwesta partiya xwe ya ku li dij Barzanî piştgiriya YNK û Goran kirin fikaran dikin.

'Wê Kurdistan tûşî şerê navxweyî bibûya'

Endamê Polîtîburoya Yekgirtû Xazî Seîd jî Serokê Parlamentê Yûsîf Mihemed rexne kir û got: "Ger pêşî lê nehata girtin wê Kurdistan tûşî şerê navxweyî bibûya" Xazî Seîd bi daxuyaniyekê danîştina awarta ya 19'ê Tebaxê ku bi beşdariya 3 partiyar pêk hat nîrxand. Seîd, got: "Ger ev danîştin pêk hatibûya wê Kurdistan tûşî şerê navxweyî bibûya. Helwesta van partiyar helwesteke xeternak bû, lê Serokê Parlamentê bi biryara komkirina parlamentê xeletiyêke stratejîk kir. Ger ku di wê danîştinê de di yasaya serokatiyê de guherîn pêk hatibûya wê şerêkî navxwe rû bida" Xazî Seîd da zanin ku Yekgirtû wek parti biryar girtibû ku ew ê beşdarî vê danîştinê nebe. Seîd destnîşan kir ku wan vê biryarê bi serê xwe stendiye û berovajiyê angaştan, tu partiyêke din geşand li wan nexwariye,

Hawramî: Barzanî 2 salên din li ser kar e

Li gel ku ji tu berpîrsêkî di derbarê çareserbûna qeyranê de daxuyaniyek nehatibe dayin jî, Fermendarê Hêzên Zêrevanî Kamran Hawramî jî BasNûçe'yê re ragihand ku partiyên siyasî li ser bi heman desthilatê, 2 salên din berdevamiya serokatiya Barzanî li hev kirine, lê belê li ser şewçeyê hilbijartina piştî 2 salên din heta niha bîrîyarek nehatiyê stendin û civînên ku niha tene lidarxistin jî bo şewçeyê hilbijartina seroke 2 salên din in. Hawramî anî ziman ku tu kesek ku dikaribe cihê Barzanî bigire tune ye û ev nişane ye ku wê Barzanî dom bike û got: "Xalên 15, û 16. ên destûrê jî bo destnîşankirina berdevamiya serokatiyê Şûraya Bala erkarê dîke.

Osman: Pergala heyî partîperest e

Di derbarê mijarê de Parlamenê Lista Kurd a Parmamena Iraqê yê Berê Dr. Mehmûd Osman jî bi ser Basnûçe'yê nîrxandinan kir. Osman, anî ziman ku di pêvajoya

qeyranê de kesê ku herî hestiyar tevgeriyaye û çareseriyê spartiyê partiyên siyasî Mesûd Barzanî bûye, lê belê ji ber helwestên neyênî yê partiyar ev qeyran gihiştîyê asteke xeternak û dom kir: "Bîrêz Barzanî çareserkirina qeyranê sparte partiyar. Lê belê parti bi awayekî ku ji bo pîrsgirêkên xwe yê navxweyî çareser bikin nêzikî qeyranê bûn û ji ber vê yekê weyran mezintir bû. Sedemê qeyranê pergala rêvebirinê ye. Her çiqas di metnên destûrê de bê gotin ku pergala RHK'ê parlamentî ye jî ev ne rast e; Lewre pergala me pergaleke partîperest e. Paye, hêza leşkerî û gellek dezgeh di nav partiyar de hatiyê parvekirin. Di rewşeke wiha de pir asan e ku qeyranê siyasî rû bidin. Ji bo çareseriyêke mayînde divê destûra nû berovajiyê vê rewşê zemîne demokratîk bike armanç û hêz û aliyan siyasî jî vê yekê hezim bikin. Tenê bi vî awayî dikare pêşî li qeyranan bê girtin"

Ahmed: Pîrsgirêk di pêknehanina yasa de ye

Berpîrsê Ragihandina YNK'ê û Şewirmendê Berê yê Berhem Salih, Tuwana Ahmed jî di hevpeyvîna li gel BasNûçe'yê de balê kêşa ser metnên destûrê û anî ziman ku pîrsgirêk ne di yasayan de, di pêkanîna yasayan de ye. Ahmed got: "Di çarçoveya destûrê de Seroke RHK'ê Mesud Barzanî dî serdemên 5 salan û carekê jî bi dirêjkirina maweya postê serokatiyê, bi giştî 12 salan serokatiyê kir. Ji bilî vî destûrê nade ku serokatiya Barzanî berdevam bike. Jixwe ne YNK û ne jî Goran dijberiya serokatiya Barzanî nakin, tenê rêzîkên destûrê destnîşan dikin û ji ber vê yekê hewl didin ku prosedoren yasayî bêne bi cih anin. PDK jî dixwaze ku serokatiya Bîrêz Barzanî bi heman desthilatê 2 salên din jî dom bike. Bi raya min PDK jî amade ye ku kêmkirina desthilata Serokê Herêmê binirxîne, lê li ser 2 salên din jî berdevamkirina serokatiya Barzanî bi israr e"

Duyem serkirdeyê DAIŞ'ê hate kuştin

DAIŞ'a ku bi êrişên hewayî şiyana wê ya tevergêrî lawaz bûbû derbeke mezin xwar. Berdevkê Lijneya Parastinê ya Neteweyî ya DYA Ned Price daxuyaniyekê nivîskî belavkir û ragihand ku di 18'ê Tebaxê de, Duyem grîngtirîn serkirdeyê DAIŞ'ê Fadi Ahmed El-Xeyalî ku bi nasnava Hecî Mûtaz di hane nasîn û rêvebirê DAIŞ'ê yê ku karên wê yê meydiyê birêve dibir Ebû Ebdûlâh, li derdora Mûsilê dema bi maşînekê geştê dikirin, di encama êrişê frokeya bê mirov a mûşekî de hatine kuştin. Price di daxuyaniyê da zanin ku El-Xeyalî Cigirê Serokê DAIŞ'ê Ebûbekir Bexdadî yê herî bi qidem e û jî bilî karê darayî yê DAIŞ'ê, her wiha arastekarê endam, çek û teqemenî yê nav Iraq û Sûriye ye. Hecî Mûtaz'ê ku di dema Saddam de Gerîneyêyê Sûriya Iraqê bû, di dagirkirina Mûsilê de jî roleke mezin hilgirtibû.

Carter: Kurd dikarin herêmen derî axa xwe jî kontrol bikin

Wezîrê Parastinê yê DYA Ashton Carter, di daxuyaniya xwe ya li Washingtonê de da zanin ku kurd, hem li Iraqê û hem li Sûriyeyê hêzeke mezin in û bi vî hêza xwe dikarin jî bilî axa xwe, herêmen din jî kontrol bikin û biparêzin. Carter, di daxuyaniyê de jî



"Em bi şerê li dij DAIŞ'ê serfiraz in"

Li gel qeyrana siyasî jî xebatên diplomasiyê dom dikin. Raw-êjkarê Asayîşa Giştî yê RHK'ê Mesûr Barzanî di hevdîtina li gel Cigirê Nûnerê Taybet ê Tekoşîna dij-DAIŞ'ê yê DYA û Balyoz Brett McGurk de bi McGurk re rewşa şerê li dij DAIŞ'ê û geşedanên herêmê de gotûbêj kir. Di hevdîtina ku Balyozê Hewlêrê Matias Metman jî amadebû de, li ser xurtkirina hevkarîya welaletên li dij DAIŞ'ê û bêtir piştgîrîdayîna RHK'ê de danûstendînen ramani pêk hatin. Mesûr Barzanî jî bo şerê li dij DAIŞ'ê pêdiviyên çek û teqemenî yê Pêşmerge destnîşan kir û got: "Ji ber tekoşîna bêhempa ya gelê kurd a ku li dij DAIŞ'ê ne tenê parastina xwe her wiha parastina gelên din ên Kurdistanê jî dike em pir serfiraz in" McGurk jî diyar kir ku RHK'ê yek jî hevkarên herî grîng ên DYA'yê ye û wê alîkariya wan a jî bo Herêma Kurdistanê dom bike. McGurk, di derbarê qeyrana heyî ya RHK'ê de jî diyar kir ku DYA dixwaze ev qeyran bi diyalogê û tafilê bê çareserkin.

ber serkeftinên bi dest xistine hêzên kurd pesindar nîrxand û got: "Ev serkeftinên wan vî yekê şanî me daye ku kurd, hem li Iraqê û hem li Sûriyeyê bi şerê li dij DAIŞ'ê dikarin hem axa xwe kontrol bikin û biparêzin û hem jî herêmen din. Ev şiyana hêzên kurd heye." Daxuyaniya Carter, bû cihê gumana ku 'DYA dixwaze Pêşmerge beşdarî operasyona rizgarkirina Mûsilê bike'

Rojava:

Serdemeke nû, hêzên nû

Mehmet Salih Batrhan

Gengeşî û nezelelaliya ku bi têkçûna DAIS'ê ya ji hêla hêzen kurd ve berdeyam e û her ku diçe ji balkêştir û tarîtir dibe. Wek tê zanin bi qewirandina DAIS'ê ya ji herêmê re û bi taybetî ji riz-garkirina Girêspî Tirkîye ji nêz de têkildari mijarê bibû û polîtîkaya xwe ya gelemperî ya Sûriye'yê guhertibû. Piştî qetliyama Pîrsûsê ji cara yekem Tirkîye'yê hin êrişên lewaz biribûn ser DAIS'ê û hat raghandin ku derbasbûna DAIS'îyan a di ser sinorê Tirkîye'yê re ji wê pê ve pêkan nîn e. Tirkîye guhertina polîtîkaya xwe bi esasi li ser herêma tampon ava kir û bi şertê ku YPG tevli wê nebe û ew ji aliyê hevpeymanan navnetewî ve wek şirik nayê qebûlkirin beşdari êrişên ser DAIS'ê dibe û ew şert ji nezelelaliya heyî tarîtir dibe.

Tirkîye ku ji destpêka şerê Sûriye'yê ve piştigiriya Artêşa Azad a Suriye'yê dikir û ew perwerde dikir, niha ji heman kiriyarê bo çekdarên tirkmen û hin komên islami dibe. Herwiha li ser vê hewlestê nakokiyên kûr di navbera hêzên navnetewî û Tirkîye'yê de didomin. Biryara vekîsandina patriotên Elmanya û DYA'yê ji wek peyameke têkildari mijarê tê nixandin. Di vê navberê de peyamen ku ji aliyê rayedarên PYD'ê ve tên dayîn ji balkêş in. Herçend ku heta niha wan di gotinên xwe yên di derheqê Tirkîye'yê de zimanekî nerm bikartianin ji di demên dawin de daxuyaniyên balkêş tên ragihandin. Nûnerê PYD'ê di axaftinên xwe yên demên dawin de diyar dikin ku heger Tirkîye li herêmê bi hêzên tundirew re herêmeke tampon avabikin ewê ve yekê wek sedema şer bihesibînin û çawa ku bi DAIS'ê şer dikin ewê bi Tirkîye'yê re ji şer bikin.

Dijberiya Tirkîye'yê ya li hember PKK'ê ji hêla raya giştî ya cihanê ve ji mêj ve tê zanin. Her wiha niha ji li Tirkîye'yê û Bakurê Kurdistanê operasyonên “terorê” diha hatine destpêkirin û ew dijberiya li hember PKK'ê gihiştîye lûtkeyê. Dewleta Tirkîye'yê ya ku ji sala 2013'an heta niha bi Serokê PKK'ê Abdullah Ocalan re danûstendinan dike agirbesta di navbera xwe û PKK'ê de bi dawî kir û li hember PKK'ê dest bi operasyonan kir. Li hêla din helwesta Tirkîye'yê ya li hember DAIS'a ku li hemû cihanê weke “dezgeha komkujîyê” tê zanin ji bûye cihê nîqaşan. Her wiha li Rojhilata Navîn yekane hêza li hember DAIS'ê operasyonên serkeftî pêk tinin kurd in û operasyon û êrişên Tirkîye'yê yên li hemberî kurdan di rojeve cihanê de ye. Her wiha şeranan YPG'ê yên li Rojava li hember DAIS'ê serkeftinên mezîna tomar kirin ji hêla Tirkîye'yê ve hatin binçavkirin û car caran rayedarên Tirkîye'yê gefan li wan dixwin. Heman hêza kurd li Rojava bi piştigiriya DYA'yê û koalîsyona navdewletî li hember DAIS'ê serkeftinên



mezîna tomar kirin. Bi piştigiriya koalîsyona navdewletî di şerê Kobanê de hêzên kurd DAIS'ê ji dorûbera Kobanê derxistin û li qada şer cih li DAIS'ê teng kirin. Serkeftin û destkeftinên kurdan bûye cihê nerazîbûna Tirkîye'yê.

Dewleta Tirkîye ya ku ji cîrida DAIS'ê ya li Semsûr, Riha û gelek bajarên din ên Kurdistanê neacizbû û li hemberî komkujîya Reyhanli'yê bédeng bû piştî rûdanên nû yên li Rojhilata Navîn Balafîrxaneyê Leşkerî ya Încîrlîkê ji DYA'yê re vekir û li hember DAIS'ê dest bi “operasyonêkê” kir.

Li hêla din piştî tiffaqa Tirkîye û hevpeymanên wê yên bi welatên rojavayî re Tirkîye li hember PKK'ê dest bi operasyonên leşkerî kir û beregehên wê bombardûman kir. Gefa rayedarên Tirkîye ya li PYD'ê û li YPG'ê ji di rojevê de cihê xwe digre. Amaje bi wê yekê tê kirin ku armanca Tirkîye'yê ya nû ne Esed e lê belê kurd in. Bi taybetî bi destpêka krîza li Suriye'yê re bi hinceta “xetereya Esed” Tirkîye ji NATO'yê mûçekên patriot xwestibûn û ew li Tirkîye hatibûn bicihkirin. Li hêla din ew mûçekên NATO'yê ewê di meha pêşîya me de ji Tirkîye'yê bêne derxistin û ev yek ji ji hêla tehlîlgeran ve weke peyameke NATO'yê ya li Tirkîye'yê hat nixandin.

“Serê wekîltî” yê li Sûriye'yê ji bi awayekî dijwar berdeyam dike. Li hêlekê piştigiriya Tirkîye ya li DAIS'ê û li El Nûsra ya bi ser El Kaide'yê ve tê şirovekirin. Li hêla din ji amaje bi wê yekê tê kirin ku wekaleta li Tirkîye Ahrûrûl Şamê wergirtiye. Serkird-eyên hin komên tirkmen ên di nav Ahrarûl Şamê de beriya demekê hatibûn Tirkîye û endamên wan koman ji hêla MÎT û Fer-

mandariya Leşkerî ya Tirkîye'yê ve hatibûn perwerdekirin. Li hêla din çend dozgerên Tirkî li ser hin wesaitên çek û teqemenî yên li sinorê Tirkîye û Sûriye'yê bûn lêpirsin dan despêkirin û ji raya giştî re hat eşkerekirin ku ew hin xurek û çekin û Tirkîye dişîne ji tirkmenan re. Dewleta Îranê ya ku piştî rêkeftina atomî bi DYA'yê re durist kir ji li hember helwestên Tirkîye'yê yên li Sûriye û Rojava radiweste. Rayedarên Îranê li hember politikaya Tirkîye ya avakirina “herêma tampon” derdikevin û ewê destûra wê yekê ji nedin. Her wiha rayedarên Îranê amaje bi wê yekê ji dikin ku yekane hêza li hember DAIS'ê radiweste YPG ye û ew ji piştigiriya PYD'ê û YPG'ê re amade nin. Di gel bedelên hatine dayîn hêza siyasî ya kurd ji li gor hevsengiya hêzên Rojhilata Navîn tevdigere û destkeftiyên kurdan ên li Rojhilata Navîn ji dixwe metirsîyê.

PENTAGON: Dest bi operasyonan bike!

Her wiha Wezîrê Berevaniyê yê DYA'yê Ashton Carter, amaje bi wê yekê kir ku hewldanên Tirkîye'yê yên li hember DAIS'ê lawaz in û divê Tirkîye tiştên zêdetir bike. Ashton di konferansa rojnamevaniyê de li Pentagonê da zanin ku ew ji helewista Tirkîye ya vekirina balafîrxaneyan a ji bo balafîrên hevpeymaniyê kêfxweş in lê divê Tirkîye li hember DAIS'ê operasyonan bike û hewldanên wê yên niha têr nakin. Ashton Carter li ser helwesta Tirkîye ya li hember DAIS'ê û derbasbûna hin endamên wê ku ji ser sinorên Tirkîye re derbas dibin ji wiha got; “Vebûna wan balafîrxaneyan em kêfxweş kirin. Divê Tirkîye ewlehiya sinorên

xwe ji xurttir bike. Em ji wan hêvî dikin ku di vê meseleyê de vî karî bêtir bikin.” Tirkîye beriya bi mehekê balafîrên xwe ji hevpeymaniya li hember DAIS'ê şer dike re vekiribû. Piştî wê biryara 6 balafîrên F-16 û 270 leşkerên DYA'yê hatibûn Balafîrxaneyê Leşkerî ya Încîrlîkê

DYA û Elmanya mûçekên patriot vedikşînin

DYA û Elmanya'yê eşkere kirin ku piştî bidawibûna dema mûçekên patriot ewê wan ji Tirkîye'yê vekîşînin. Di sala 2013'an de di sinorê Baktûr û Rojavayê Kurdistanê de mûçekên DYA û Elmanya'yê hatibûn bicihkirin. Ji aliyê herdu welatan ve hat ragihandin ku ewê meha pêşîya me mûçekên xwe yên patriot vekîşînin.

Di sala 2013'an de du bataryayên DYA'yê li Dilokê du bataryayên Elmanya'yê li Mereşê û du bataryayên Hollanda'yê ji li Edene'yê hatibûn bicihkirin. Mûçekên patriot hem ji bo parastina Tirkîyê û hem ji ji bo sinorê NATO'yê yê başûr li Tirkîye hatibûn bicihkirin. Li gor malpera fermî ya Fermandariya Leşkerî ya Elmanya'yê ewê “ji ber bidawibûna xetereya li Sûriye'yê” di gel mûçekan 250 leşkerên êalman ji dêvegerin welatê xwe.

Mûçekên patriot çima tên vekîsandin?

DYA' û Elmanyeyê ji ber xetereyên ji Sûriye'yê bûn ser Tirkîye mûçekên patriot li hin bajarên Bakurê Kurdistanê bicihkiribûn. DYA û Elmanya biryara wê yekê wergirtin ku ewê bataryayên mûçekên xwe ji vekîşînin. Herçend Wezaretê Karên Derve ya Tirkîye'yê amaje bi wê yekê bike ku çûna

mûçekên patriot ewê di warê ewlehiyê de kêmasiyê pêk neyîne ji tehlîlgerên siyasî amaje bi wê yekê dikin ku DYA û Elmanya'yê bi vekîsandina mûçekan peyam dane Tirkîye'yê.

Piştî meha cotmehê ewê bataryayên DYA û yê li Dilokê û di çilêyê de ji ewê bataryayên Elmanya'yê yê li Mereşê ji herêmê bûn vekîşandin. Li hêla din ji her çend rayedarên Tirkîye'yê eşkere biikin ku “Eger YPG û PYD derbasî nav herêma tampon bibe ewê li hember wan ji operasyon bûn pêkanin” ji rayedarên DYA'yê bereksî rayedarên Tirkîye daxuyaniyan didin û didin zanin ku ewê piştigiriya wan a li PYD'ê û YPG'ê de berdeyam bike. Rawêjkarê Wezaretê Derve yê DYA'yê John Kirby û cihgîre wî Mark Toner heta niha di derbarê “herêma tampon” a ku Tirkîye hewl dide ava bike de tu daxuyani nedane.

‘Tirkîye ji piştevaniya li PYD'ê û YPG'ê aciz e’

Tehlîlgerê Navenda Lêkolînên Stratejîk ê Rojhilata Navîn (ORSAM) Dr. Oytun Orhan li ser rûdanên dawî, peywendîya DYA'yê û Tirkîye, vekîşîna mûçekên patriotan ji BasNûçe'yê re axivî. Orhan eşkere kir ku DYA'yê daxwaz ji Tirkîye dikir ku di şerê li hember DAIS'ê de cih bigre û Balafîrxaneyê Leşkerî ya Încîrlîkê veke. Her wiha Orhan amaje bi wê yekê ji kir ku polîtîkaya Tirkîye'yê ya Sûriye piştî serkeftinên kurdan ên li Girêspî guheriyê û Tirkîye ji piştevaniya PYD û YPG'ê aciz e. Di berdeyamîya axaftina xwe de Orhan ragihand ku Tirkîye di wê baweriyê de ye ku ewê bi operasyonên koalîsyonê DAIS'ê têk neçe û divê stratejiyêke din bê bikaranîn.

Di dirêjahiya axaftina xwe de Orhan bal kişand ser nakokiyên rayedarên DYA û Tirkîye'yê ji û eşkere kir ku ji ber daxwaza Tirkîye'yê ya “herêma tampon” nakokî di daxuyaniyên rayedarên herdu welatan de hene. Her wiha Orhan amaje bi wê yekê ji kir ku Tirkîye PYD û YPG'ê weke rêxistineke terofî dibîne lê belê DYA'yê bereksî Tirkîyê wan weke hêzêkê dibîne û piştevaniya wan dike û Tirkîye ji piştevaniya wan neraziye. Li hêla din Orhan vekîşîna mûçekan ji bi bir xist û

eşkere kir ku Tirkîye û DYA hevpeyman in û vekîşîna mûçekan ne ji ber rageşiya herdu welata ye.

Krîza Sûriyê û hêzên nû

Li hêla din welatên weke Îran, Siûdî Arabîstan, DYA û Rûsya, ji bo çereserkirina krîza û çarenûsa Sûriye'yê di nava hewldanên diplomatîk de ne.


Hewldîna sêqolî ya Wezîrên Derve yê DYA, Rûsya, Siûdî Erebîstanê, serdanên Wezîrê Derve yê Sûriye ya ji bo Umman û Teheranê, civîna li Riyadê ya ji çapemeniyê re nehat eşkerekirin a di navbera rayedarên Sûriye û îstîhbarata Siûdî de, li hêla din serdana gelek rayedarên Sûriye ya li gel Moskova'yê û her wiha serdana Wezîrê Derve yê Siûdî ya Moskovayê, plana çareseriya Sûriye ya Wezîrê Derve yê Îranê ku eşkere kir ku ewê planê bibe NY'yê û ewê ji gelek welatên Afrîka û Rojhilata Navîn re wê pilanê eşkere bike didin zanin ku krîza Sûriye di rojeva cihanê de ye. Herwiha hat zanin ku Siûdî û Qeter hewl didin ku diha balyozgerên xwe yên Şamê bişînin Şamê.

Eniya Tirkîye ya nû “Ahrarûl Şam”

Li hêla din rojnâmeya Times a ku li Bîrtanya'yê belav dibe da zanin ku Enqere piştevaniya dijberên Sûriye rêxistinê Ahrarûl Şamê dike û çek û teqemeniyê dide wan. Li gor rojnâme-yê piştî gengeşiyên “herêma tampon” Tirkîye dest bi çekdarkirina wan kiriyê. Her wiha fermandarên eniyên ji hatina çekan piştrats dikin. Ahrarûl Şam ji 5 rêxistinên cuda weke bereyekê hatiye damezirandin. Lîva'ya Tehvîd, Bereye Helebê, Artêşa Mûcahidan, Lîvaya Nûredîn Zengî, Hereketa Festakîm Kema Umîrte û Bereya Geşedanê di sala 2014'an de li hev kom bibûn û Ahrarûl Şam ava kiribûn. Her wiha hat zanin ku di derdora 400 – 1000 endamên Ahrarûl Şamê hene.

Gelo PYD ji Girêspî vedikşe?

Piştî şikêstxwarina DAIS'ê ya li Girêspî konrola navçeyê ket destê



DYA' û Elmanyeyê yê ji ber xetereyên ji Sûriye'yê bûn ser Tirkîye mûçekên patriot li hin bajarên Bakurê Kurdistanê bicihkiribûn. DYA û Elmanya biryara wê yekê wergirtin ku ewê bataryayên mûçekên xwe ji vekîşînin.



PYD'ê. Her wiha hat payîn ku piştî tiffaqa PYD'ê û Artêşa Azad ewê PYD ji Girêspî derkeve û bajêr ji Artêşa Azad re bihêle. Li hêla din li ser baniyê avahiyên gumrikê ala Artêşa Azad hat daliqandin.

Girêspî ku bi ser Reqayê ve ye û di sala 2012'an de ketibû destê Artêşa Azad û dî re bi êrişan DAIS'ê ew herêm ji destê Artêşa Azad derxist û kontrola herêmê xist destê xwe. Di meha hezîrana borî de Burkan el Ferad û YPG'ê li hember DAIS'ê operasyon dan destpêkirin û DAIS'ê herêmê derxistin. Bi operasyonên hêzên kurd re DAIS'ê herêmê vekîşîya û berê yekîneyên xwe da Reqa'yê. Wezîrê Karê Derve yê Kobanê İbrahim Kurdo li ser rûdanên dawî yên Rojavayê Kurdistanê ji BasNûçe'ê re axivî. Kurdo daketîna ala PYD'ê ya li Girêspî derewand. Kurdo amaje bi wê yekê kir ku Girêspî ji hêla xelkê Girêspî tê birêvebirin û xelkê wê meclîsen xwe avakirine û rêveberiyên xwe ew dikin. Her wiha Kurdo bal kişand ser azadbûna Girêspî ji û da zanin ku bajar ji hêla Burkan el Feradê ya bi ser Artêşa Azad û YPG'ê ve hatibû rizgar kirin û li Girêspî ji xweseriya demokratîk heye.

‘Tirkîye krîzê mezintir dike’

Di berdeyamîya axaftina xwe de Kurdo bal kişand ser politikayên Tirkîye'yê li ser Sûriye û Rojavayê Kurdistanê û da zanin ku hewcedariya Tirkîye bi wê yekê heye ku bi wan re hevpeymanbe lê belê gefan li wan dixwe û wan weke xetere dibîne. Her wiha Kurdo amaje bi wê yekê ji kir ku 800-

900 kilometre sinorê Tirkîye ji hêla wan ve tê parastin û ne karê baqilaneye ku Tirkîye çek û teqemeniyê bide hin komên tûndrew. Kurdo li ser piştevaniya Tirkîye'yê ya li gel Ahrarûl Şamê ji rawestiya û wiha berdeyam kir; “Divê Tirkîye dev ji wan helwestan berde. Li Rojava û li Sûriye yekane hêzak ku li hember DAIS'ê şer dike kurd in û Artêşa Azad e. Tirkîye piştevaniya hêzên din dike. Tirkîye bi vê piştevaniyê krîzê mezintir dike.”

‘PYD ne di bin kontrola Îranê de ye’

Her wiha Kurdo amaje bi wê yekê ji kir ku ewê piştevaniya DYA û hevpeymaniyê ya li gel PYD'ê û YPG'ê berdeyam bike û hevpeymanî YPG'ê weke perçeyekê hêza hevpeymaniyê ya bejeyî dihesibîne û ew serkeftinên YPG'ê bilind dinixînin. Her wiha Kurdo daxuyand ku hemû hêzên li Sûriye'yê li hember “herêma tampon” a Tirkîye nerazîbûnan nişan didin û ew qebûl nakin ku Tirkîye li herêmê bibe xwedî hêz. Di berdeyamîya axaftina xwe de Kurdo li ser peywendiyên PYD' û Îranê ji rawestiya û daxuyaniyên Îranê yê li ser piştevaniya PYD'ê bilind nixand û eşkere kir ku wan di şerê li hember DAIS'ê de ji bo piştevaniyê bang li hemî kesî kiriyê û Îranê bersîva wan da ye û ev ji kiryareke di cih de ye. Kurdo bal kişand ser medyaya Tirkîye ji û da zanin ku medyaya Tirkîye amaje bi wê yekê dike ku PYD di bin kontola Îranê de ye û ew ne rast e û medya Tirkîye dijberiya kurdan dike.

Serdar Lolan

Serokê berê yê ENKS'ê Feysel Yûsif, balê kişand ser koçberiya ji Rojava û got xelk ji ber rewşa xirab ya siyasî û jiyani koç dike û Rojavayê Kurdistanê ber bi valabûnê ve diçe.

Encûmena Niştimaniya Kurd (ENKS) ya piştî krîza siyasî li Sûriyê di sala 2012'da n de ji aliyê 11 partiyên siyasî yên kurd hat avakirin li ser karê xwe berdewam e. ENKS hem li Rojavayê Kurdistanê û hem jî li gelek welatên Ewropa nûnertiyên xwe vekirine û jî bo çarenûsa xelkên Rojava politikayê dimeşîne. Siyasetmedar Feysel Yûsif jî BasNûçe'yê re axifî û li ser politîkayên ENKS'ê rawestiya.

Yûsif eşkere kir ku ENKS jî bo berwanîya mafê xelkê kurd ê li Rojava hatiye damezrandin û ew ê di karê xwe de berdewam be. Her wiha Feysel Yûsif li ser politikayên PYD'ê û valabûna Rojavayê Kurdistanê jî rawestiya û îddia kir ku PYD ne hevkarê kurdan e hevkarê Esed e.

Peymanên Hewlêr û Dohokê karîger nebûn

Di berdewamiya axaftina xwe jî de Yûsif amaje bi wê yekê jî kir ku qeyrana Sûriyê rêyêke dîrokî li ber kurdên Rojava vekir ku bigihêjin mafên xwe û çarenûsa xwe diyar bikin lê belê partiyên siyasî xelk jî hev veqetandine û her partiyêke siyasî berê xelkê kurd daye cihêkî û rewşê alozîr kirine. Her wiha Yûsif li ser danûstendin û rêkeftinên di navbera ENKS û TEV-DEM'ê jî de rawestiya û daxuyand ku TEV-DEM tu carî jî hevpariyê re amade nebû û TEV-DEM û PYD rê li ber yekgirtinê digirtin. Yûsif li ser danûstendinên di navbera TEVDEM û ENKS'ê de wiha got: "Me gelek cara hewla wê yekê da ku em bibin yek û em bi hev re Rojavayê Kurdistanê bi hev re birêvebibin. Di Peymanên Hewlêrê jî de û di ya Duhokê jî de li ser sê xalan me li hev kir. Lê belê Biraderên me li biryarên peymanê xwedî derneketin û jî bilî xwe tu kes li Rojavayê Kurdistanê qebûl nekirin."

'Mesûd Barzanî li Rojava xwedî derket'

Yûsif ragihand ku Serokê Herêma Kurdistanê Mesûd Barzanî gelek hewl daye ku alîkariya partiyên siyasî yên li Rojavayê Kurdistanê bike û hemahengiyê di navbera wan de saz bike, lê belê hewldanên wî biryarên vala hatin derxistin. Yûsif amaje bi wê yekê jî kir ku Serokê Herêma Kurdistanê Mesûd Barzanî tu cûdahî nexistiya navbera xelkê Rojavayê Kurdistanê û Başûrê Kurdistanê û her tim jî bo çarenûsa xelkê Rojavayê Kurdistanê di nava hewldanê de ye û di encama diplomasiya wî ya xurt koalîsyona navdewletî alîkariya hêzên kurd ê li Rojavayê Kurdistanê dikin û her wiha Pêşmerge jî derbasî Kobanê bûn û li hember DAIŞ'ê serkeftinên mezin bidest xistin. Her wiha Yûsif li ser peymanên Hewlêr-Duhokê yên bi serperîştîya Serokê Herêma Kurdistanê Mesûd Barzanî di navbera ENKS'ê û TEV-DEM'ê de duristbûn jî rawestiya û wiha got: "Civînanên li Hewlêr û Duhokê bi serperîştîya



Feysel Yûsiv:

Rojavayê Kurdistanê vala dibe



Serokê Herême Mesûd Barzanî pêk hatin. Baweriya wî bi tifaqê heye. Her tim digot 'Eger hûn tifaqa xwe durist nekin hûnê nikaribin siyaseteke xurt îradeyêke xurt nişan bidin.' Hemû hewldanên wî neahîtin fêmkirin û biraderên me yên TEV-DEM'ê jî ser maseya li hev kirine radibûn."

'Pêşmergeyên Rojavayê Kurdistanê amaden e'

Feysel Yûsif li ser perwerdeya Pêşmergeyên Rojava û şerê wan ê li hember DAIŞ'ê û egera derbasbûna wan a jî bo Rojavayê Kurdistanê jî rawestiya û ragihand ku Pêşmergeyên Rojavayê Kurdistanê jî hêla Pêşmergeyên Zerevani yên Başûrê Kurdistanê hatine perwerdekirin û hejmara zêdetirî 7 hezara ye. Her wiha Feysel Yûsif da zanin ku Pêşmergeyên Rojava li Başûrê Kurdistanê di sengerên şer de ne û li hember DAIŞ'ê şer dikin. Siyasetmedar Feysel Yûsif li ser egera derbasbûna wan a jî bo Rojava jî rawestiya û wiha got: "Pêşmergeyên Rojava jî bo parastina xelkê Rojava amaden e. Niha jî ew li sengerên şer in û şerê DAIŞ'ê dikin. Ji bo derbasbûna wan gelek danûstendin pêk hatin. Lê belê birayên PYD'ê jî bo derbasbûna wan razi nine. Serokê Herêma

"Pêşmergeyên Rojavayê Kurdistanê jî bo parastina xelkê Rojava amade ne. Niha jî ew li sengerên şer in û şerê DAIŞ'ê dikin. Ji bo derbasbûna wan gelek danûstendin pêk hatin. Lê belê birayên PYD'ê jî bo derbasbûna wan razi nin in.

Kurdistanê jî eşkere dike ku nabe beyî hemahengiyê Pêşmergeyên Rojava derbasî welat bibin."

Çalakî û diplomasiya li Ewropa

Li hêla din li ENKS'ê li Ewropayê û li gelek deverên din e cihanê çalakî li dar xistin û bi nûnerên gelek sazîyên sivil û partiyên siyasî jî re danûstendin pêk anin. Her wiha amaje bi wê yekê jî tê kirin ku civînanên Cenevreyê yên jî bo çareserîna krîza Sûriyê jî ew ê dîsa dest pê bikin. Yûsif li ser diplomasiya wan a li Ewropayê destpêkirina civînanên ENKS'ê rawestiya û da zanin ku ENKS di nava Encûmena Muhalifên Sûriyê de jî cih digre û ew eşkere dike û heta rejîma Esed hebe ew ê krîza Sûriyê berdewam bike û çareserîya qeyranê bi têkçûna rejîma Esed re mumkûn e. Feysel Yûsif li ser diplomasiya wan a Ewropa û xwepêşandan û tezahûratên wan ê li Ewropayê jî rawestiya û ragihand ku mebesta wan ew e ku kiryarên Esed û PYD'ê jî raya giştî ya cihanê re û raya giştî ya kurd re eşkere bikin wan dest bi çalakîyên xwepêşandan li dar xistine.

'PYD ne bi kurdan re bi Esed re hemaheng e'

Li hêla din êrişên asayîşa PYD yên ser

ENKS'ê jî berdewam dikin. Heta niha gelek endamên ENKS'ê jî hêla asayîşê ve hatine girtin. Her wiha gelek caran jî avahiyên ENKS'ê tên gulebaran kirin û gef li endamên ENKS'ê tên xwarin. Yûsif li ser fişara asayîşa PYD'ê ya li ser ENKS'ê jî rawestiya û amaje bi wê yekê kir ku PYD'ê jî bilî xwe tu partiyên siyasî yên kurd qebûl nake û destûrê nade ku ew politîkayan birêve bibin. Feysel Yûsif ragihand ku PYD'ê bi asûrî û erebên li herême re rêkeftin saz kiriyê û dema ku mesele tê ser rêkeftin û yekgirtina kurdan jî wê direve û jî xwe re tu şîrkan qebûl nake û siyaseteke ne dîrist bi rêve dibe. Feysel Yûsif hemaheniya PYD'ya bi rejîma Esed û komên çekdar jî bi tûndî rexne kir û da zanin ku PYD hevkarîyê bi komên tarî re dike û siberoya xelkê Rojavayê Kurdistanê dixê bin metirsîyê.

'Rojavayê Kurdistanê vala dibe'

Her wiha jî ber krîza 2011'an a li Sûriyê û êrişên ser komên çekdar ê ser Rojavayê Kurdistanê bu hokara wê yekê ku bi hezara xelkê Rojavayê Kurdistanê cih û warên xwe bihêlin û terkîwelat bibin. Ji destpêka krîzê heta niha bi hezaran xelkê Rojavayê Kurdistanê li Başûr û Bakurê Kurdistanê di kampên penaberan de dimînin. Hin xelk jî jî bo jiyaneke nû berê xwe didin Ewropayê bi rêyên ne legal derbasî Ewropayê dibin û di wan rêyan de perîşan dibin. Feysel Yûsif li ser valabûna Rojavayê Kurdistanê û koçberiya xelkê Rojava jî rawestiya û eşkere kir ku xelk jî ber politikayên PYD'ê jî Rojavayê Kurdistanê derdikeve. Her wiha Feysel Yûsif da zanin ku PYD "leşkeriya neçarî" û bacê li ser xelkê Rojavayê Kurdistanê ferz dike û xelkê di kampên de venagerin û yê li Rojavayê Kurdistanê jî ne jî Rojava derdik-evin û li ser wan rêyan perîşan dibin.



Hêmin Dîldar

Partiya Demokrata Kurdistanê Îranê (PDKî) ya ku li ser hima Jiyanevevî Komeley Kurdistanê ava bû 70 salî ye. PDKî kevintirîn partiya Rojhilat e ku Komara Kurdistanê, Mehabad ava kiribû. PDKî di dirêjahiya demê de li ber zulma Îranê rawestiya û doza parastina mafê kurdên Rojhilatê Kurdistanê berz kir. Wek tê zanin rêber û serokên PDKî'yê jî aliyê rejîma Îranê ve hatine sêdarekirin û kuştin. Qazî Mihemed hatiye darvekirin, Dr. Qasimlû û Dr. Şerefkendî jî hatine kuştin. PDKî'ya ku nêzikî 25 sala ye dev jî karê çekdarî berdaye û niha li Başûrê Kurdistanê li bajarê Koyê beregehên xwe yên şer daniyê demeke dirêje di nava tevgerê de ye û dîsa Pêşmergeyên xwe dişîne ser çiyayan û li hember bînpêkirinên mafê kurdan û fişara kurdan a li Îranê radiweste.

PDKî'ya ku jî kelepora siyasî ya Qazî Mihemed û Abdurrahman Qasimlû tê niha jî geşedanên dawî yên Rojhilata Navîn û rêkeftina Îranê ya bi welatên Ewropa re jî nêz ve dişopîne û jî bo parastin û demokrasiya xelkê Rojhilat politikayê saz dike. Her wiha di vê çerçoveyê de demeke dirêj e nûner û siyasetmedarên PDKî'yê bi gelek welatan re di nava diplomasiyê de ne û piştî zêdebûna fişara Îranê ya li ser kurdên Rojhilat Pêşmergeyên PDKî'yê jî derbasî sengerên şer bûn û bingehên xwe yên şer danin.

'Wê PDKî parastina kurdan bi-domîne'

Nûnerê Deftera Siyasî yê PDKî'yê

Hewlêrê Mihemed Salih Qadirî, jî BasNûçe'ê re axifî û li ser karname û politikaya PDKî'yê rawestiya. Mihemed Salih Qadirî li ser çûna Pêşmergeyên PDKî'yê yên ser çiyayan û sinorê Rojhilat û Başûr rawestiya û daxuyand ku Pêşmergeyên wan jî bo parastina xelkê Rojhilat li ser sinor in û eger êriş were ser wan ewê parastina xelkê Rojhilatê Kurdistanê bikin û bi tûndî parastina rewşa ya xelkê Rojhilat bikin. Her wiha di berdewamiya axaftina xwe de Qadirî eşkere kir ku wan weke PDKî 70 saliya damezirandina partiye pîroz kirine û eşkere kirine ku ewê di parastina mafê kurdên Rojhilatê Kurdistanê de berdewam bin.

'Li Îran a Îslamî demokrasi ne mumkûn e'

Di berdewamiya axaftina xwe de Qadirî rewşa siyasî ya Rojhilata Navîn jî bi bir xist û daxuyand ku divê ew jî bo parastina xelkê Kurdistanê amadebin lewre li Rojhilat komên tûndrew ên îslamî êrişî xelkê kurd dikin. Qadirî rewşa siyasî ya hemû Kurdistanê jî bi bir xist û ragihand ku divê hêzên kurd li hember êrişên komên çekdar ên tûndrew di parastina rewşa ya xelkê kurd de di amadebaşiyê de bin û bi rêxistinbûyîna xwe xurttir bikin. Her wiha Qadirî li ser geşedanên dawî yên li Îranê jî rawestiya û ragihand ku bi rêkeftina Îran û welatên P5+1 jî re ewê amargoya li ser Îranê jî holê rabe û ew Îran êdî hesabê tu welatan neke û bêhtir fişarê bine ser xelkê Îranê. Li hêla din Qadirî li ser serdana Parêzgeha Kurdistanê ya jî hela Serokkomarê Îranê ya Hesên Rûhanî jî rawestiya û wiha berdewam kir: "Pêkhatina demokrasiyê

û bi cihbûna wê ya li vê Îranê zehmet e. Beriya Hesên Rûhanî Ehmedînecad û Muhammed Hatemi jî ketin nava hewldanan lê bele li Îranê demokrasî bi desten kesên hatine hilbijartin naye. Hemû tişt di destê Ayetullah Hamaney de ye."

'Kiryarên rejîmê mezhebî ne'

Her wiha Qadirî daxuyand ku Hamaney meşrûyeta xwe jî olê distîne û ew hemû tişt li ser siyasetmedaran ferz dike lewre jî li gora wan divê hemû tişt li gor biryarên Hamaney bin û bîyî Hamaney tu tişt nayê kirin. Qadirî li hêla din amaje bi wê yekê jî kir ku mezheperstiya Îranê rê li ber pêşketina mafê mirovan digre û rejîma Îranê jî hemû xelkê Îranê dixwaze ku ew bibin şe mezheb. Ji ber fişara olî ya Îranê bi sedan kurdên Ehli Heq û sune mezheb û her wiha belûcên Sûne û hene mezheb jî hela rejîma Îranê ve tînin girtin. Herî dawî jî ber xwendina nimêja cejna Meha Remezanê gelek melleyên kurd jî hela hêzên asayîşa Îranê vê hatin binçavkirin.

'Pêngav jî bo hilbijartinê ye'

Mihemed Salih Qadirî amaje bi wê yekê jî kir ku ew pêngavên ku niha Îran li hember kurdan daye destpêkirin ne pêngavên demokrasiyê ne û ew Îran jî hêza kurdan a Rojhilata Navîn ditirse û naxwaze kurd li Rojhilata Navîn bibin xwedî otorite. Her wiha Qadirî eşkere kir ku di destura bingehîn a Îranê de rê li ber perwerdeya zimanên din jî heye lê belê heta niha Îranê gaveke bi vî rengî neavetiyê û rê li ber perwerdeya kurdî girtiye. Qadirî li ser vebûna beşa kurdî ya li Zankoya Kurdistanê jî rawestiya û wiha

demand; "Di destûra bingehîn a Îranê de mafê parastina çand û zimanê heye. Rêya wê yeke heye jî bilî farisî bi zimanên din jî perwerde hebe. Lê bele Îran destûra vê yeke nade. Tiştê ku dixwaze li Parêzgeha Kurdistanê jî bike xapandine. Hilbijartinên serokkomariyê nêzik dibin dixwazin xelkê kurd bixapînin." Kurdên Rojhilatê Kurdistanê gelek caran beşdarî hilbijartinên Îranê nabin û hilbijartinan bojkot dikin. Ji ber bojkota sala 2006'an de bi dehan kurd li Rojhilat jî hêla hêzên emnî yên Îranê hatin binçavkirin û qetilkirin.

'Ji bo yekgirtinê danûstendin'

Di sala sala 2004'an de jî ber hin nerîn û boçûnên cûda hin endamên PDKî'yê jî partiye veqetiyan û Hizba Demokrata Kurdistanê (HDK) damezrandin. Bi destpêkirina êrişên DAIŞ'ê yên li ser Kurdistanê hemû partiyên siyasî yên Kurdistanê nêzikî hevdu bûn û di parastina Kurdistanê de ketin nava hemahengiyê. Her wiha her du partiyên jî binemaliya PDK'a Îranê tînin jî nêzikî hevdu bûn û ew jî di nava danûstendinan dene da ku hemaheng bin û bi kongreyê di bin navê yek partiye de li hev bikin. Qadirî li ser danûstendinên di navbara wan û HDK'ê jî de rawestiya û eşkere kir ku ew xwe amade dikin ku kongreyêke durist bikin û di bin banê yek partiye de li hev kom bibin. Qadirî eşkere jî kir ku xelkê Rojhilat jî perçebûna wan aciz e û dixwazin ew yekgirtinê saz bikin û di binê yek banî de li hev kom bibin. Qadirî daxwaziyan xelkê kurd yên li ser mijarê jî wiha eşkere kir: "Xelkê dixwazin hemû demokrat bi hev re bin ne du partî bin."

Azad Hemedemîn:

Li Başûr rojnamegerê bi yasayan tê parastin

Tuwanê Dodkî

Sendikaya Rojnamegerên Kurdistan ku ji sala 1998'an de li Başûrê Kurdistanê hatiye damezirandin, li gel hemû astengiyên ji hewl dide ku pişeya rojnamegeriyê ji bin nîrê desthilat û hêzên siyasî rizgar bike û derfetan peyda bike da ku rojnamegeriya kurd bi şeweyekî demokratîk û azad karê xwe bimeşîne. Serokê Sendikaya Rojnamegerên Kurdistanê li Başûrê Kurdistanê Azad Mihemedemîn pirsên me wiha bersivand.

'Sendika endama IFJ'ê ye'

Sendikaya Rojnamegerên Kurdistanê çawa hate damezirandin û wez sendika hun çî xebatan dikin?

Sendikaya me di sala 1998'an de, di çarçoveya Yasaya Sendikaya Rojnamegeran a destûra Iraqê ya kevn a dema Saddam hate damezirandin. Ev yasa tanzîmkirina Sendikaya Rojnamegerên Kurdistanê ji pêk dihanî. Destûra Iraqê ya kevn ji bo geşedandina pişeya rojnamegeriyê gellek derfet pêkan dikir. Yanî ji bo parastin, birêxistinbûn û pêşketina rojnamegeran gellek yasa hebûn. Sendikaya me ji sala 2001'an ve endamê Federasyona Rojnamegerên Navneteweyî (IFJ) ye. Ev endamî beriya rûxandina rejîma baasê hate kirin. Di vî warî de sendikaya me yekem sendikaya Iraqê ye ku bûye endamê IFJ'ê. Heta niha em beşdarî 4 konferansên navneteweyî yên IFJ'ê bûne

Rêveberiya Sendikaya Rojnamevanên Kurdistan ji gellek lijnayan pêk tê; Lijneya Encumena Bala ya Sendikayê ku navenda wê li Hewlêrê ye, Lijneya Rojnamegerên Jin, Lijneya Rojnamegerên Werzişê û Lijneya Parastina Rojnamegeran. Her wiha Lijneya lêkolînê ya Sendikayê ji heye û ev lijnê ji 6 mehanê carekê raportên 6 mehane yên ku daneyên bînpêkirina mafê rojnamegeran bi kurdî, erebî û inglîzî amade dike û ji parlament, serokatîya herêmê, partiyeşî siyasî û ji hemû raya giştî re aşkere dike heye. Hemû lijnê xwedî ofîsên xwe ne û heta radeyekê serbixwe ne.

Sendikaya Rojnamegerên Kurdistanê berdewamiya sendikayekê Iraqî bû yan ji damezirandina xwe ve wek Sendikaya Rojnamegerên Kurdistanê damezirî?

Na, berdewamiya sendikayekê Iraqî nebû, ji destpêkê ve wek sendikaya Rojnamegerên Kurdistanê hate damezirandin. Lê belê ev nayê wateyê

Li Kurdistanê qeyranê siyasî û rikberiya nav hêz û partiyeşî siyasî yê nav perçeyan û yê heman perçeyan bandoreke mezin a neyênî li ser meşandina politikayekê neteweyî dike. Di vê qeyran û aloziyê de bêguman rola çapemeniya kurd ji nayê piştguhkirin; Lewre tahakkuma aliyeşî siyasî ya li ser dezgehên ragihandinê li ser karê rojnamegeriyê û xebatên ragihandinê ji bandoreke mezin a neyênî dike. Ji bo em vê babetê bikolin û rewşa rojnamegeriya kurd li ber çavan raxînin me bi Serokê Sendikaya Rojnamegerên Kurdistanê Azad Hemedemîn re hevpeyînekê çêkir.

ku ji bilî kurdan tu kesên din nikarin bibin endam. Hemû rojnamegerên ku li Herêma Kurdistanê karê xwe dimeşîne dikare bibe endamê me. Çi kurd, çî ereb, tirkmen û mesîhî; Tu sînorek regezî û nijadî tune ye. Endamên me yê hî çihû yê Şîraîlî jî hene.

Ji bo azadkirin û serbixweyîya rojnameger û dezgehên ragihandinê çî xebatên we hene?

Yasaya tanzîmkirina rojnemeşîyê ya Destûra Rêveberiya Herêma Kurdistanê (RHK) projeya sendikaya me ye. Me vê yasayê amade kir û pêşkêşî parlamentê kir û paşê hate pesendkirin. Di çarçoveya vê yasayê de ger ku Dadgehên RHK'ê ger ku rojnamegerêkî darizîne pêwîst e beriya darizandinê sendikayê agahdar bike. Dadgeh bêyî agahdarbûn û amadebûna darizandina rojnamegeran nikare darizandina tu rojnamegerêkî pêk bîne. Her rojname an jî govar beriya weşanê divê bê sendikayê û wê hejmarê xwe tomar bike. Di destûra RHK'ê de her wiha yasaya Teqawudî ya Rojnamegeran jî hene.

Di dest we de rêjeya rojnamegerên ku li Herêma Kurdistanê hatine darizandin heye?

Di derbarê vê rêjeyê de di dest me de daneyên bi rêkûpêk tune ne.



Çima tune ne?

Çimku divê hemû dadgeh bêne şopandin. Yanî hemû rojnamegerên ku tene darizandin li yek dadgehekê nayêne darizandin, li dadgehên cûda û li bajarên cûda tene darizandin. Li Duhok, li Hewlêr û li Slêmanî tene darizandin.

Berîya niha we got dema dadgeh her rojnamegerêkî darizîne pêwîst e me agahdar bike. Ji bo berhevkirina dane ev agahî bi kêr nayê, yan hun hemûyan naşopînin?

Em hemûyan dişopînin lê di derbarê berhevkirin û sererastkirina van daneyan de hin kêmasî hebûn. Lê belê niha me lijneyeke ku van daneyan bi rêkûpêk berhev bike ji saz kir. Lê ez dikarim bêjim ku li Herêma Kurdistanê, heta niha nêzîkî 400 dozên ku rojnameger hatine darizandin hene.

Ev rojnamegerên ku hatine darizandin bêtir li ser çî babetan hatine darizandin?

Bêtirê wan li ser teşhîrkirinê ne. Yanî raport û nûçeyên ku bê piştrastkirin û belge di derbarê kes û dezgehên de hatine weşandin. Pîraniya wan li ser vê sedemê hatine darizandin.

Darizandinên ku li ser helwestên siyasî pêk hatine tune ne?

Dozên bi vî rengî tune ne, Çimku di

çarçoveya yasaya rojnemeşîyê ya RHK'ê de dadgeh nikare tu rojnamegerêkî darizîne yan zindanî bike. Ji bo rojnamegeran tenê cezayê pere heye. Yanî rojnameger her çiqas ceza bixwe jî ew dikare hemû cezayê xwe veguheze cezayê pere. Dema me yasaya rojnemeşîyê amade dikir ku pêşkêşî parlamentê bikin, li ser vê babetê gellek nîqaş hatin kirin; Lê belê em ji ya xwe nehatin xwarê û me yasayê bi vî awayî pêşkêşî parlamentê kir. Di vê yasayê de her wiha me ji hikûmetê, parlamenê û dezgehên rêveberiyê re çapemeniyê qedexe kir. Yanî li gor vê yasayê nabe ku hikûmet, parlament an jî dezgeheke fermî ya rêveberiyê dezgeheke ragihandinê damezirîne.

Hikûmet an jî desthilat dikare dezgeheke ragihandinê bide girtin?

Na nikare tişteki wisa jî bike. Hikûmet, parlament an jî serokatî nikare rojname yan jî televizyonêkê bide girtin. Tenê dadgeh di çarçoveya wê yasayê de dikare biryara girtin an jî rawestandina weşana rojname yan jî televizyonêkê bide. Ji bilî dadgehê tu hêz nikare.

Pêwendîya we bi rojnamegerên Bakurê Kurdistanê re çawa nin?

Ji Bakurê Kurdistanê nêzîkî 60 rojnamegerên ku endamên sendikaya me ne hene. Li Rojhilat 40 rojnameger û li Rojava jî nêzîkî 40 rojnamegerên

ku endamên me ne hene. Her wiha li Ewropa nêzîkî 100 endamên me hene.

Wek Sendikaya Rojnamegerên Herêma Kurdistanê, ji bo dezgehkarîya ku dikare hemû rojnamegerên Kurdistanê li hev bicivîne we çî kar û xebatan kirî ye?

Ji bo federasyona rojnamegeran ku dikaribe hemû organên çapemeniyê yê çar perçeyên Kurdistanê di bin siwana xwe de li hev bicivîne me wek Sendikaya Rojnamegerên Kurdistan lijneyeke amadekar saz kir û me bi ser vê lijneyê ve dest bi amadekirina projeyekê kir. Di çarçoveya vê xebatê de bi taybet ez çûme Qendilê, çûme Amedê û li Amedê min serdana hemû dezgehên ragihandinê kir. Ez çûme Rojhilat û Rojava, çûme Belçîka, Almanya û hin welatên Ewropa jî û min li van deran jî bi berpirsên dezgeh û nûsingehên dezgehên ragihandinê yê kurd re hevdişîtinan pêk anî. Di hemû van serdan û hevdişîtinan de em rastî bertekên pir erênî hatin. Ev xebatên me di dema xebatên lidarxistina Kongreya Neteweyî de pêk dihatin û jî ber vê yekê bandoreke erênî li ser vî karî jî dibû. Lê mixabin, ji ber ku xebatên lidarxistina Kongreya Neteweyî hatin rawestandin, xebatên me jî rawestiyân; Ango em bêçar man ku rawestînin.

'Armanca federasyona rojnamegeran bû' Armanca projeya we çî bû?

Armanca ew bû ku hemû dezgehên ragihandinê yê Kurdistan di bin banê Federasyona Rojnamegerên Kurdistanê de li hev bicivîne û pîrşîrkêrên ku bi ser çapemeniyê der dibin û bandoreke neyênî li ser civak, siyasat û karê ragihandinê dikin çareser bike.

Di çarçoveya bandora partiyeşî siyasî de, ji bo politikayên rikber ên weşanê dezgehên çapemeniyê dakewin asteke nizîmtir hûn çî dikin?

Sendikaya Rojnamegerên Kurdistan, sendikaya hemû rojnamegerên Kurdistanê ye û tu pêwendîyake wê bi helwestên birdozî û siyasî re tune ye. Hemû rojnamegerên ku şertên qanûnî yê rojnemeşîyê bi cih tînin dikarin bibin endamên me. Di lijneya bala ya sendikayê de nûnerên hemû partiyeşî siyasî hene; Lê belê armanca wê lijneyê ne berjewendiyên partiyeşî ku ew endamên wê ne, berovajî armanca wê ew e ku di rojnamegerî û televizyonkarîyê de bingeheke profesyonel saz bike. Ji ber vê yekê em, hemû karên xwe bi rîwangeya



Yasaya tanzîmkirina rojnemeşîyê ya Destûra Rêveberiya Herêma Kurdistanê (RHK) projeya sendikaya me ye. Me vê yasayê amade kir û pêşkêşî parlamentê kir û paşê hate pesendkirin. Di çarçoveya vê yasayê de ger ku Dadgehên RHK'ê ger ku rojnamegerêkî darizîne pêwîst e beriya darizandinê sendikayê agahdar bike.

serbestiya rojnemeşîyê ya ku di qanûnan de hatiye destnîşankirin dikin û çî aligir, çî azad, jî bo hemû rojnameger di çarçoveya nîrxên rojnemeşîyê de tevbigirin û karên xwe yê pişeyî derxin pêş heldiwestin. Ji bilî van, wek em dizanin azadiya rojnemeşîyê rasterast bi serxwebûna aboriyê re grêdayî ye. Bi vê mebestê, jî bo çapemenî di warê aborî de hewceyî qadên din nebe û dikaribe li ser lingên xwe bisekine jî em xebatan dikin. Ji bo qezencên ji reklaman û karên din ê bi vî rengî, em şîrketên ku di meşandina aboriya herêmê de xwedî gotin in teşwîq dikin.

Daxwaza we ji siyasatê çî ye?

Li Kurdistanê her çiqas organên ragihandinê yê partiyeşî siyasî hebin jî, organên serbixwe jî hene. Çapemeniya azad bi drûşman pêk nayê. Hevîya me jî Rêveberiya Herêma Kurdistanê (RHK) ew e ku di rojnemeşîyê û televizyonkarîyê de bingeheke profesyonel saz bike. Ji ber vê yekê em, hemû karên xwe bi rîwangeya

dihavêjin bûyerê û çî pêwîst be dikin. Ji bo bînpêkirinên ku li derveyî Herêma Kurdistanê jî pêk tên jî em tenê dikarin bi daxuyani û beyanatan van bînpêkirina rexne bikin û daxwaza rawestandina bînpêkirina bikin. Wek nimûne; Dema Kantona Cizîrê xebatên televizyoneke kurd qedexe kir me helwesta wê rexne kir û me jî rêveberiya kantonê daxwaz kir ku wê qedexeyê rake. Her wiha dema ku Tirkiyeyê jî rojnemeşîyê kurd re astengiyên derxist me bi daxuyaniyê wê yekê rexne kir û me jî Tirkiyeyê xwest ku van astengiyên rake.

Hêza we heye ku hun dikaribin li dij biryareke neyênî ya hikûmetê dervekin?

Hikûmet bi tu awayî nikare zextan li ser sendikaya me bike û di hemû plan û projeyên di derbarê çapemeniyê de bêçar e ku hêriya me werbigire û me wek berpirsê wê qadê bibîne. Ne tenê hikûmet hemû alî û siyasî jî nikare li ser me zextan bike; Çimku çarçove û sînorê rojnemeşîyê di qanûnan de hatiye destnîşankirin û tu hêz nikare li derveyî van qanûnan bandorê li ser me bike. Di qanûn de jî Sendikaya Rojnamegerên Kurdistan di warê ragihandinê de wek biryardar hatiye destnîşankirin û bêyî erêkirina me di derbarê me de tu biryar nayê stendin. Şaştêgihîştinek heye ku di vê babetê de Wezaretê Çandê biryardar e; Lê belê ne wisa ye. Biryardar Sendikaya ye. Di qanûn de hatiye desetnîşankirin ku çî eleqeyêke dadgeh, wezaret, parlamentê bi çapemeniyê hebe, Sendikaya Rojnamegerên Kurdistan wek aliyeke fermî berpirsyarê wê babetê ye.

Wek yasa pêwendîya we ya bi RHK'ê hikûmeta navendî re çawa ye? Hûn li gor yasayên kîjan rêveberiyê berpirsyar in?

Niha di vê babetê de pîrşîrkêrek heye. Ji bo rojname, govar, malperên ajans û nûçeyan yê elektronîkî û hemû weşanên nivîskî em bi tevahî bi destûra RHK'ê ve grêdayîne; Lê belê ji ber ku radyo û televizyonên ku bi peykên asmanî weşanan dikin pêwîstî bi destûra hikûmeta navendî û dezgeha wê ya berpirsyar heye. Çawa ku li ser xala 140 a destûra Iraqê, li ser erka Pêşmerge û li ser neftê di navbera RHK'ê û hikûmeta navendî de pîrşîrkê hebin, di vê babetê de jî pîrşîrkê hene. Niha em hin amadekariyan dikin ku em di vê babetê de pêşniyazek li hikûmeta navendî bikin. Lê heta niha bi encam nebûye.

Welat Baz

Meleti, li Mezopotamya jorin di navbera Kurdistan û Tirkiyê de sînor e. Bajêr li jora tejena Firadê çih digre. Rojhilat û bakurê rojhilatê bajêr ji alî cemê Firadê ve hatiye pêçan. Başûrê xaka Meletiyê ji alî çiyayên Torosan, bakûrê bajêr jî ji alî Çiyayê Nûrheq ve hatiye bendkirin. Meleti, ji ber taybetiyên coxrafya xwe di warê parastinê de çhekî stratejik e. Bajêr ji demên kevn vir ve, rêyên girîng ê Mezopotamya, Anatolya û Rojhilata Navîn gîhandiye hev. Rêyek ber bi Erziromê, rêyek ber bi Wanê, rêyek ber bi Amedê, rêyek ber bi Gurgûmê û yek jî ber bi Ruhayê ve diherike. Van rêyên ku li Meletiyê digîjtin hev, dêrêjî nav Anatolya, Qafqasya, Sûrî, Kurdistan, Îran û heremên din dibin. Meleti di nav hêlîlarên rojhilatê 38 û 39 û di nav hêlîpanên bakûrê 37 û 39an de ye.

Erdnîgar

Nisbeta xaka bajêr 12 hezar û 313 km² ye. Ji axa Meletiyê % 45 çiya, ji % 12,9 jî deştan û ji % 41,6 jî jî platoonan pêk tê. Bajêr ji deryayê 900 metre bilind e. Di nav xaka bajêr de gelek çiya û girên bilind hene. Torosên rojhilat jî alî başûr ve bajar derbend kirine. Rêzeçiyayên Meletiyê, Semsûrê jî bajêr diqetîne. Çiyayê herî bilind di erdîma Meletiyê de Çiyayê Şîlan e ku 2545 metre bilind e. Çiyayên Meletiyê ê din jî evin: Çiyayê Derbend (2428m), Çiyayê Kepez (2140m), Çiyayê Xeyrik (2306m), Çiyayê Boz, Çiyayê Reş, Çiyayê Tûcak, Çiyayê Şeqseq, Çiyayê Hişk û Çiyayê Qertelan. Li çiyayên Meletiyê teyrên kovî ê wek, werdek, qaz, kew, leglek, qertel û baz hene. Li herêmê, gur, rovi, keroşk û berazên kovî jî hene.

Deşt

Li deşt û zêwiyên Meletiyê kiştûkal tê kirin û ji axê berhemen wek genim, pincara şekir, tûtûn û fasûliye tèn sitandin. Li xaka Meletiyê gelek deşt jî hene. Bajêr bi saya van deştan bi heremên din ve tê girêdan. Disa rêyên hesin û rêyên qîr ji van deştan derbas dibin. Deşta herî mezin Deşta Meletiyê ye. Ev deşta ku bi sedan km bilind e, wek zozana ye û 830 km² firehe.Li van deştan zêdetirê kiştûkalê, fêkî û nebatên sanayiyê jî tèn çandin. Herwiha Deşta Wêranşarê, Deşta Îzol, Deşta Erxaç, Arga, Mixdî, Cemê Ziwa, Yazîxan û Surgî jî deştên bi xêrûberin. Li van hemû deştan kiştûkal û çandinî tê kirin. Ji ber van taybetiyan sûka hubûbatan a bajêr gelek qelebalix û şên e. û her cûrê berhemen axê tê temîn kirin. Meleti bi fêkiyên wek trî û sêvên xwe jî naskiriye. Ji triyê ku jî rezên Meleti tê çinin, li fabriqa Mazrayê şarabên navdar tèn hilberîn.

Arûng

Belkî jî berhem û fêkiya herî navdar ku Meletiyê bi Kurdistanê û dinyayê daye naskirin arûngên vî bajari ne. Bi gotinekî din, qeysî ne. Li gor belgeyên diroki arûng b.z di sedsala 4an de di sefera Îskender de hatiye Kurdistanê. Ji ber ku li vî welatî derfetên çandin û hilberina wê fekiye hebûye, evder bûye welatê arûngan. Cara yekem Tê hezkririn ku arûng li Çînê hatiye danîn

MELETÎ

Meletî li gor rêvebiriya pergalê parêzgeh e. 13 navçe, 33 nahiye û 505 gund û 872 komik bi bajêr ve girêdayî ne. Nifûsa Meletî nêzikî 1 milyoni ye. Navçe yên Meletiyê evin: Arga, Wêranşar, Hekîmxan, Erebgîr, Erxewan, Darende, Şîro, Qulûncax, Batalxazî, Çelaklî, Kele, Yazîxan û Çîrmikê.



û ji vir belav bûye. Di dema Şerê Persî û Romayîyan de jî, ji alî bazirganên Ermenî ve li Îtalya û Yûnanîstanê hatiye belavkirin û ji van deveran jî li dinyayê belav bûye. Arûngên bazara cihanê jî % 5, li Kurdistanê tê hilberîn. Disa li cihanê tenê arûngên Meletiyê tèn zivakirin û zivastanê tèn xwarin. Li Meleti bi navên Arûnga Meleti, Arûnga Hecîxelîl, Arûnga Qîzaheci, Arûnga Hesenbeg, Arûnga Qalikhîşk û çend cûrên din jî arûng hene. Arûng jî bili Meleti, li Erzîngan, Mazra, Îdir û Qersê jî tê hilberîn. Ji bo hilberîna arûngan li bajarê fabriqayekî jî hatiye damezirandin.

Çem

Çemê Firad li rojhilatê Meletiyê sînorê Mazrayê, ber başûr ve jî sînorê Amedê û

MELETÎ

Meletî li gor rêvebiriya pergalê parêzgeh e. 13 navçe, 33 nahiye û 505 gund û 872 komik bi bajêr ve girêdayî ne. Nifûsa Meletî nêzikî 1 milyoni ye. Navçe yên Meletiyê evin: Arga, Wêranşar, Hekîmxan, Erebgîr, Erxewan, Darende, Şîro, Qulûncax, Batalxazî, Çelaklî, Kele, Yazîxan û Çîrmikê.

MELETÎ

tansuyu, Polat, Medik û Surgû çar bendav hatine çêkirin. Van bendavan li ser Cemê Toxma û çemên din ên biçûkin. Disa, erdnîgara Meletiyê jî bakûr ve cîranê gola Bendava Kebanê û jî rojhilat ve jî cîranê gola Bendava Karakaye ye. Gola Karakaya di nav tixûbên Meleti de 150 milyon m2 ax dagir kiriye. Herwiha di dema avakirina vê bendavê de 67 gund di bin avê de man. Cemê Firadê jî dora xaka Meletiyê wek kevanekî pêçaye û di sînorê Mazrayê de wek goleke mezin, çend km durî nawenda bajêr e.

Maden

Axa Meletiyê jî alî madenên bin erdê ve dewlemend e. Bi taybetî gelek rezervên fireh ê hesin, profilît û linyît hene. Li gor lêkolinan li texma Hekîmxan, Wêranşar û Şîro nêzî 600 milyon ton rezervê hesin hene. Hesinê Meletiyê piştî tê derxistin, li fabriqayên Karabûk û Ereglî ya Tirkiyê tê bikaranîn. Disa 24 milyon ton profilît û milyonek ton jî linyît li nêzî Navça Şîro û navenda bajêr tê derxistin. Li Meletiyê alamînyûm, qrom, manganese û absest jî heye û van damaran li gor pêdiviyan car caran tèn xebitandin.

Rêvebiri

Meleti li gor rêvebiriya pergalê parêzgeh e. 13 navçe, 33 nahiye û 505 gund û 872 komik bi bajêr ve girêdayî ne. Nifûsa Meleti nêzikî 1 milyoni ye. Navçe yên Meletiyê evin: Arga, Wêranşar, Hekîmxan, Erebgîr, Erxewan, Darende, Şîro, Qulûncax, Batalxazî, Çelaklî, Kele, Yazîxan û Çîrmikê. Meleti jî bakûr ve cîranê Sêvaz û Erzînganê, jî rojhilat ve bi Mazra û Amedê, jî başûr ve bi Semsûrê û jî rojava ve bi Gurgûmê ve cîran e. Şeniya Meletiyê jî % 90 kurd in. Gelek kurdên vê deverê elewî ne. Bajêr di warê demoxrafya xwe de nawendeke pîrreng e. Di demên kevn de li bajêr gelek ermenî û suryanî jî hebûn. Piştî dagirkirina Kurdistanê jî alî Osmanîyan ve hin eşîrên tirkmen jî li bajêr bicîh bûn. Dewleta Osmanî piştî ku di salên şerê yekem de ermenî û suryaniyan qirkir, di salên dawin de jî li Meletiyê, isewiyên ku jî ber kêra wan flitîne, heland. Berê li Meletiyê metropolîtî ya suryaniyan hebû. Lê iro li bajêr tenê çend malbat mane û dêra wan jî girtî ye. Rewşa ermenîyan jî wiha ye.

Nav

Navê Meletiyê, jî Hititiyan maye. Navekî 5 hezar saliya. Li gor çavkaniyên nivîskî, di vê demê de jî bajêr re digotin ‘Melitea’. Heman nav bi nuansan di çavkaniyên Asûrî û Ûrartoyan de jî derbas dibê. Kitabeyên

BasNûçe 24 - 30 Tebax 2015

van şaristaniyan, navê vî bajarê kevnare wek ‘Melîtea’, ‘Melîd’, ‘Melîde’, ‘Melîddû’ an jî ‘Melîta’ qeyd dike. Di dema Romayîyan de jî wek ‘Melîta’ an jî ‘Melitene’ hatiye binavkirin. Ev nav paşê şeklê xwe yê îro girtiye û niha jî alî Tirkan ve wek ‘Malatya’, jî alî Kurdan ve jî wek ‘Meleti’ tê binavkirin.

Dîrok

Ji kolanên arkeolojîk ê bermayiyên ser xaka Melediyê hatine kirin, eşkere bûye ku 4000 sal b.z. di dema kalkolîtîk de însan li vê deverê bicîh bûne û şaristaniyan avakirine. Li gor diroka nivîskî Meleti di sala 1650’an de wek bajarekî Hititiyan bûye. Piştî 550 sal, bajêr di sala 1100’an de dikeve destê Asûriyan û di salên 800’an de jî dikeve destê Ûrartoyan. Medên bav û kalên Kurdan jî sala 612’an heta sala 550’an Melediyê bidest dixin. Paşe dema Persiyan destpêdike. Di salên 330an de ku Îskender, Mezopotamyayê bidest dixê, nêzi 1000 salî, yanê p.z heta salên 650’an herem di destê paşengên wî û Împaratoriya Romayê, paşê jî di destê Bizansiyan de dimîne. Di dema Bizansiyan de, di sala 712’an de girseyên Ermenîyan li Meleti bicîh bûn. Disa p.z di salên 969’an de bi fermana Împaratorê Bizansê, jî Suriyê gelek Yaqûbî hatin û li heremê bicîh bûn. Heman sal fermandarê Artêşa Muslumanan Hebib bin Mesleme bajêr bidestdixê û hukumdariya Ereban 400 sal dajo. Di salên 1050an de Selçûqî tèn heremê û Meleti êdî di nav begê wan û Kurdan de dest dugehurrine. Ev rewş heta 1400’an, yanê heta dagira Osmanîyan dajo. Piştî ku Meleti dikeve destê Osmanîyan, di salên 1401’an de jî alî Artêşa Timur ve tê xerakirin. Bajêr piştî serdestiya Osmanîyan cardin serersat dibê. Meleti di bin bandora serhildanên heremê de jî dimîne. Di sala 1580’an de, di serhildana Celalî, di sala 1603’an de jî di serhildana Zeynel û Hemze Beg de xeradibe. Piştî salên 1847’an wek liwa û sancax pêşiyê bi Xarpûtê ve, paşê bi Diyarbekir ve tê girêdan. Li gor salnameyan di sala 1914’an de nifûsa bajêr tevî navçeyan 65 hezar e. Ji vana 18 hezar kes Ermenî ne. Piştî qira Ermenîyan nifûsa wan heliya.

Girêşera

7 km dûrî nawenda Meleti, li herema Girêşêra jî salên 1932an vir ve kolanên arkeolojîk tèn kirin. Ev kolan hem diroka Meleti hem jî a Mezopotamya û Kurdistanê jî gelek alîyan ve ronî dike. Kolanên ku heta sala 1939’an domkir, di serkeşiya Luis Delaporte yê frensî de hat meşandin. Piştî şerê cihanê ê düyem di sala 1946’an de Arkeolog Schafer û jî 1962’an vir ve jî Arkeologê Îtalî Palmîrî û Pûglîsî dest bi kolanan kirin. Kolanên li Girêşêra hîn jî didomin. Di encama van kolanên arkeolojîk de derket holê ku, ev girîk jî dema dawîn a kalkolîtîk, heta dema Îslamê wek nawendekê rûniştvanîyê hatiye bikaranîn. Herwiha Meleti jî ber ku di sînorê Mezopotamya û Anatolya de ye, jî demên kevn vir ve, bûye wek bêndera çanda van şaristaniyan jî. Di kolanên Girêşêra de, berhemeke dema Hititiyan hatiye derxistin. Evder qesrekî bihiştîşam bûye. Çend ode, derî û diwarên qesrê derketine holê. Di kolanan de figurên lawir û însanan, morên çapê jî hatine dîtin.



Kolanên arkeolojîk nişandane ku, hin bermênên vê derê jî dema dawîn a kalkolotîk mane. Ev jî teqabulê 3 û 4 hezar sal b.z dike. Di nav van bermayîyan de paristgehekî 6 hezar salî jî heye. Kûp, firaqên gilower û hin wazoyên wê demê jî hatine derxistin. Van bermayîyan nişandidîn ku çanda vê derê perçeyekî jî çanda Mezopotamya ye. Li ser vê qata kalkolîtîk, berhemên dema tûncê hene. Di vê demê de bajar hîn jî bi pilan e. Avahî li ser kolanên teng rêzkrin. Berhemên keramik ku bi destan hatine çêkirin û firakên ku bi hacetan hatine çêkirin jî hene. Herwiha gelek bermayiyên biçûk jî di kolanan de hatîne derxistin.

Sedsala 20

Di serê sedsala 20’an de wek hemû Kurdistanê li Meleti jî welatparêzî geş bû. Kürd Teawûn Cemiyeti ku di ala 1908’an de li Îstenbolê hatibû damezirandin, li herema Meleti jî dixebitî. Piştî salên Şerê Cihanê ê Yekem jî ku li Amed û Mazrayê Kürd Teali Cemiyeti şaxan vekir, li Meleti jî gelek aligir peyda kir. Yek jî wan Battalzade Xulîsî Efendî bû ku şaxekî wê komela welatparêz li Erebgîra Meleti vekiribû. Di van salan de wali, yanî mutasarîfê Meleti Xelîl Rehîmî Bedirxan bû. Xelîl Rehîmî welatparêzekî Kurd bû. Eşîrê vê deverê ê çekdar birêxistîbû. Bi taybetî Eşîra Rîşwanan welatparêz bû. Di vê pêvajoyê de Majorê İngîlîz Noel, jî bo çavderiya heremê û meyla welatparêziya Kurdan bibîne tevî Kamûran Bedirxan û Ekrem Cemilpaşe di tebaxa sala 1919’an de hat heremê û Xelîl Rehîmî ziyaret kir. Yek jî xebatên Xelîl Rehîmî Bedirxan jî ew bû ku duxwest tevî Waliyê Mazrayê Ali Galip Beg, Mustafa Kemalê serokê tevgera netewperestê Tirk bigre, lê ew bi serneketin û mecbûr man ku jî heremê veqetin.

Ev bajarê kevnare di gelek çavkaniyên kevn de jî çih girtiye. Wek dû minak jî wan, biraninên Generalên Alman Moltke û çavderiyên gerok Ewliya Çelebî ne. Ewliya Çelebî yê ku di sedsala 16an de hatiye Meletiyê, vî bajari bi gotina xwe wek ‘deverekî çiyayan û a Kurdan’ binavdike û wiha dibêje: ‘Jî ber ku hewa vê derê xweşe, zîlamên wan heta 60-70 salên xwe jî li ser piya ne û diranên wan wek incîyan e. her-çiças gelek pîr bin jî rûyên wan sor e û gelek

WELAT | 11

WELAT | 11



qelewin. Ji ber ku av û hewayê wê xweşe, însanên vê derê jî xweşik in. Li vî bajari 7 cûr sêv hene. Xwedayê alemê rengkî wiha daye wan şevan ku sorê wan sor, morê wan jî mor e. Eşrafê Melediyê û jinên bajêr ê kibar bi şîma li ser van şevan helbestan dinivîsinin.’

Li gor salnameyên Osmanîyan, berî serdana Ewliya Çelebî di sala 1560’an de nifûsa bajêr 8700 kes bûye. Ji wan 1300 kes Ermenî ne.

Generalê Alman Moltke jî ku di sala 1838’an de tevî serleşkerê Osmanîyan Hafîz Paşa hatibû Kurdistanê û di tefandina serhildanên Kurdan de rol girtibû, di nameyên xwe de behsa Melediyê dike. Wê demê Meleti wek liwayekî bi Eyaleta Gurgûmê ve girêdayî bû. Dema Moltke tevî Artêşa Osmanî tê bajêr, nifûsa bajêr 12 hezar e û bi qasî 5000 avahiyan wê heye. Artêş jî bo ku zivastanê derbas bike, gelê bajêr jî xaniyên wan derdixê û bajêr dike garnîzonekî mezin. Gelê Meletiyê jî li ser vê yekê, deh km dûri bajêr li taxa bi navê Aspûzû xaniyên nûh avadikin û li wir bicîhdibin. Moltke dibêje ku piştî lêşker jî Melediyê derketin û çûn, ne mukûn bû ku xwediyên xaniyan malên xwe nasbikin, lewra lêşkeran bajar xerakiribûn.

Meleti bi qehremanên xwe yen destanên jî navdayî ye. Yek jî wan Battal Xazî ye. Di derheqê Batal Xazî de tiştê ku tê zanîn ew jî Meleti yê ye û li diji Artêşa Bizansî şerkirîye. Qasî ku Ewliya Çelebî salox dide, di çavkaniyên Ereban de ew wek serkeşekî Musluman tê naskirin, ku Melediyê jî Bizansiyan sitendiye. Tirken ku bisedan sal piştî Ereban hatine heremê jî, Batal Xazî wek qahremanekî xwe didin nasandin.

Di salên dawin de Meleti di gelek berhemen wêje ya tirkî de jî çih girt. Romanûs Kemal Tahir û Demirtaş Ceyhun di romanên xwe yê ku di salên 1940 û 1960’an nivîsandine jiyana vî bajari û zîndana Melediyê wek mijar hilbijartine. Herwiha di dehan diwanên helbestvanan de jî li ser Melediyê rêzên pezndar hatine nivîsandin.

Kele

Di dema Romayîyan de p.z di sedsala 1an û di salên paş de Kurdistan seranser bi keleyan hatiye risandin. Kele jî bo parastin, ewlekarî, bazirganî û bajarvani xwedî

gelek fonksiyonan bûye. Ji ber vê yekê dema Romayîyan Meletiyê bidestxistine derdîdora bajêr bi diwarên kelê asê kirine. Kel a Meleti li keviya Cemê Derme ye. Piştî zayînê di sedsala 1an de hatiye avakirin. Li gor belgeyên kevn 11 derî û 95 birçên kelê hebûne. Di dema pêşîn de gelek car hatiye tamîrkirin. Pîlana kelê pêncgoşe ye. Hin diwarên kelê bi kevirên rengin hatine lêkirin û bi gelek motîvên balkêş hatine neqşkirin. Kela Meleti iro xirabeyeke.

Mizgefta Mezin

Wek keleyan li hemû bajarên Kurdistanê mizgeftên mezin jî hene. Mizgefta Mezin a Meleti di sala 1224an de ji alî Alaadinê Keykûbat ve hatiye çêkirin. Mîmarê kelê, Yaqûbê Ebûbekir e. Mizgeft jî kevnepopiya mîmarî ya Selçûqiyan e. Çimî û mozaîqên hindirê camiyê di dewra xwe de minak bûne. Minare û diwarên camiyê jî kevir û liviran hatine avakirin. Mizgeft di salên 1970an de tamir dîtiye.

Medrese

Medresa Şahiye Kubra li kêlekê mizgeftê çih digre û perçeyekî jî kuliyê ye. Medrese jî alî Mîr Şehabeddin ve di sedsala 14an de hatiye avakirin. Ji vê avahiyê heta iro tenê tîrbe, eywan û alî rastê deriyê tac maye. Mizgefteke kevn li bajêr Mizgefta Nûh e. Di salên 1912’an de hatiye înaşkirin. 3 minarên camiyê hene. Pîlana camiyê çargoşe ye. Avahî jî kevirên birrandî hatiye lêkirin û bi yek qubeyî ye. Mizgeft hîn jî, jî îbadetê re vekirîye.

Minare

Li Meleti berhemeekî oli jî Minara Melîk Sûnûlah e. Mînarê jî liviran hatiye avakirin. Mizgefta li kêleka minarê xerabûye. Ev mizgeft di sala 1394an de jî alî Çerkezê Evdîla ve hatiye çêkirin. Evder di nav Muslumanan de wek ‘Ucaxa Waizan’ tê binav kirin.Herwiha li Meleti Tirba Sîdî Zeyneb, Tirba Îmam Zeynel Abîdin, Kerwansaraya Mistêfa Paşa jî wek berhemen kevnare, naskirîna û bargehên ziyaretê ne. Qasî ku nawenda bajêr di warê berhemen kevn de dewlemend e, navçên wek Hekîmxan, Darende û Erebgîr jî ewqas dewlemendin.



Doç. Bülent Küçük:

Aliyan amadekariyên şer dikirin

Kalê Badî

Li Bakurê Kurdistanê jinûve destpêkirina şer ji bo gellek kesan surprîz xuya bike jî, ji bo kesên ku herême û geşedanên nepenî bi kûrî dişopînin ne surprîz bû. Lewre hem PKK û hem jî dewleta tirk li hêlekê diyalogê dimeşandin, li hêla din amadekariyên şerêkî mezin dikirin. Ev rewş berovajiyê helwesta HDP'ê ya "Tirkiyeyîbûn"ê xuya dike, lewre serkeftina hilbijartinên 7'ê Hezîranê, encama helwesta Erdoğan a li dij Rojava, geşbûna hesta neteweyî ya kurd û amadekariyên şer ên ku gelê kurd ji nêz ve didît bû. Doçentê Cigir yê Beşa Sosyolojîyê ya Zanîngeha Boğaziçi Bülent Küçük geşedanên li Rojava, rîwangeyên cûda yê HDP û dewletê ên "Tirkiyeyîbûnê" û guherîna bîrdozîya dewleta neteweyî ya ber bi dewleta emperyal a Tirkiyeyê wek sedemên jinûve destpêkirina şerê li Bakurê Kurdistanê destnîşan kir û got: "Aliyan ji mêj ve amadekariyên şer dikirin"

'Tirkiyeyîbûn'a HDP'ê û dewletê jî hev cûda ye

"Bi raya min 'Tirkiyeyîbûn'a ku HDP tîne ziman û ya ku dewlet dixwaze pêk bîne li hev nagoncivîn. Kurd, ji ber ku li her aliyê Tirkiyeyê dijîn û di gellek sektoran de dixebitin, zimanê tirkî dizanin û ji çanda populer û jiyana rojane ya Tirkiyeyê agahdar in û di nav de ne, ji xwe Tirkiyeyîbûnê. Cihêbûna siyaseta HDP'ê ya ku bi vê helwesta nû ya pêvajoya hilbijartinên 7'ê Hezîranê derket holê tenê ew bû ku HDP'ê yekem car dest avêt mijarên din ên derveyê pirsgrêka kurd. Di sê salên dawî de HDP'ê her dihanî ziman ku pirsgrêk ne 'Tirkiyeyîbûn'a kurdan e 'Tirkiyeyîbûn'a tirkan û rojavayiyên Tirkiyeyê ye, lê belê

bi hin tifaqên beşên civaka rojavayê Tirkiyeyê yê wêk; elewî, çepgir û hêmanên din jî xwest ku sîwana siyaseta xwe berfirehtir bike. Mebesta dewletê jî ji 'Tirkiyeyîbûn'ê ew bû ku kurd bi Tirkiyeyê re bêne grêdan û tenê bi ser drûsmên pirsgrêkên bi meseleya kurd re eleqedar siyaseta nekin, angî bi pergala Tirkiyeyê re bêne entegrekirin. HDP û dewlet li rîwangeyên cûda nêzikî têgeha 'Tirkiyeyîbûn'ê bûn û di encamê de HDP'ê bandora siyaseta xwe berfirehtir kir û di hilbijartinan de serokatiya Erdoğan asteng kir."

Stratejiya dû qolî: Tirkiyeyîbûn û Kurdistanîbûn

Bülent Küçük di axaftina xwe de balê kêşa ser tifaqa HDP'ê ya bi aliyan Kurdistanî û anî ziman ku HDP'ê li gel 'Tirkiyeyîbûn'ê li Kurdistanê jî bi beşên çepgir û oldar ên kurd re ji helweste-ke 'Kurdistanîbûn'ê jî da meşandin û bi stratejiyeyeke dû qolî Tirkiyeyîbûn û Kurdistanîbûn'ê bi hev re meşand. Küçük diyar kir ku HDP taybet bi siyaseta xwe ya Kurdistanîbûn'ê serkeftin bi dest xist, rêjeya dengên xwe gihand ji sedî 13'an û got: "Ev stratejiya dû qolî ya HDP'ê û serkeftina wê, ji alî partiya desthilatdar û dewletê ve wek rîskêkê hat ditin û ji ber vê yekê payabilindên dewletê her HDP'ê wek organa PKK'ê didin nişandan û wê wek berpîrsê hemû pevçûn û kuştinên sîvil tawanbar dikin. Ev tawanbarkirin di nîqaşên di raya giştî de tene kirin ji xuya dike."

Rojava analîtika cihêbûna sedemên hundurîn û derve tîk bir

Bülent Küçük sedemên jinûve destpêkirina şer yê hundurîn û derveyê yê Tirkiyeyê wek cihêbûneke analîtîk nîrxand û got: "Cihêbûna sedemên şer ên hundur û



Bülent Küçük

derveyî jî alî kurdan ve bê wate ye; Lewre kurdên bakur, xwe ji geşedanên li Sûriye û bi taybet li Rojava dîr nabînin. Ji ber vê yekê cihêkirina sedemên şer ên hundur û derveyê Tirkiyeyê jî alî kurdan ve nayê kirin; Çim-grêdan û tenê bi ser drûsmên pirsgrêkên çareseriyê de xwedî projeyeke siyasî ya mezin ku Rojhilata navîn ji duhunduran bû. Desthilata nû ya Tirkiyeyê di şûna pergala kevn ya burokratik û asimilasyonî de xwest bi şeweyeke emperyal û belavker ku em dikarin wek Osmanîtiya nû bi nav bikin, hewl dîda ku pirsgrêka kurd çareser bike. Wek em dizanin cewhera dewleta neteweyî sazûmaniya yek netewe, yek ziman û yek rengiyê ferz dike, lê belê dewleta emperyal li gel yekdestiya desthilatîyê heta radeyekê nasnameyan nas dike; Lewre ku nas neke nikare bondora xwe frehtir bike. Erê rast e, dewletê dixwest pirsgrêka kurd çareser bike, lê belê dixwest ku di çarçoveya armaca xwe ya mezin a emperyal de vê pirsgrêka ku ji bo wê dafika xeternak e ji pêşiya xwe derxe û ji bo ji armanca wê ya mezin re nebe asteng çareser bike. Piştî ku li Kafkasan, li Misir û Sûriyeyê ev armanca wê şkestan xwar, ji bo dewletê grîngiya çareserkirina pirsgrêka kurd kêm bû. Bi ser de piştî ku kurdan li Rojava herêmen xweser ragihand, li Bakur di warê siyasî de destkeftê mezin bi dest xist û di qada navneteweyî de stêrka kurdan geş bû, dewletê biryar da ku van destkeftên kurdan tîk bibe û kurdan lawaz bike"

'Beriya hilbijartinan nişaneyên destpêkirina şer xuya bûn'

Bülent Küçük di nîrxandinên xwe de li ser nişaneyên jinûve destpêkirina şer jî rawestiya û angaşt ku beriya hilbijartinan jî PKK'ê dizanibû ku egerî heye dewlet dest bi şer bike û jî ber vê yekê wê jî dest bi

amadekariyên şer kir. Küçük wiha dom kir: "Piştî ku dewletê hêzên xwe yê leşkerî hem li herême û hem jî li ser sînorê Rojava bi cih kir dibe ku PKK'ê jî ji alî xwe ve amadekariyên şer kiribe û ev pêkan e" Di derbarê jinûve rawestandina şer de jî Küçük da zanin ku di lêkolînên wan ên li ser ezmanên dinyayê yê pirsgrêkên bi vî rengî de, dertê holê ku di nav 5 salên destpêkê de pir caran şer di destpêkirina û di şa hatine rawestandî û hin ji wan paşê hatine çareserkirin. Küçük got: "Her çîqas mercên Tirkiyeyê yê wêk perçebûyîna kurdan û bandora perçeyên din û hin taybetiyên Tirkiyeyê jî ezmanên dinyayê cûdatir bin jî, li Tirkiyeyê jî egerî heye ku alî di şa ser rawestînin û dest bi diyalogê bikin. Çimkî rewş wiha berdewam bike egerî heye ku Tirkiyeyê bibe Sûriye û şerêkî navxweyî yê mezin rû bide. Her çîqas hişmendîya AKP'ê niha xeteriya berdewamiya vê yekê baş nexwînin jî ez rawestandina şer pêwîst dibînim û dibêjim ku ew ê alî di şa vegehin rêbaza diyalogê" Küçük, di derbarê ragihandina parastina cewherî ya hin navçeyên Bakur de jî anî ziman ku hişmendîya min vê helwestê tîna-hîje û got: "Di vî hengameya dijwariya pevçûnan de nikarin vî helwestê watedar bikim"

Têşîrkirina cenazeyê gerilla

Li ser wêneyên bîrmetiya li dij cenazeyên gerillayên ên ku bi ser internetê hatin belavkirin de jî Küçük cenazeyan wek egera herî mezin a rikberiya civaka kurd û tirk nîrxand û tazîkirin û tîşîrkirina cenazeyên gerilla wek wêneyê feraseta dewlet û raya giştî ya rojavayê tirkiyeyê destnîşan kir. Küçük got: "Tazîkirin û tîşîrkirina cenazeyê gerilla dide xuyakirin ku ev feraset cenazeyên xwe pîroz dibîne lê yê kurdan bê nîrx dibîne û bi vî awayî rikberiya civakan meztîr dike û kurdan bêtîr jî Tirkiyeyê dîr dike"

"DAIŞ projeya tîkberîna kurdan e"

Evîndar Tekîn

Bi destpêka dagirkirina gelek herêmen li Rojhilata Navîn ya ji aliyê DAIŞ'ê re li qada ol, oldarî û bewermendiyê jî cihan ket nava nîqaş û arîşeyên teorîk. Ji ber ku DAIŞ hemû kiryarên xwe li ser navê îslamê birêve dibe û wan di ayetên Qur'an'ê de bi cî dike, ew nîqaş û ragêşîya teorîk jî her ku diçe gur û cûretir dibe. Li gor hin derdorên DAIŞ bi hemû kirin û pêkhatiyên xwe ji îslamê referansa xwe digire û ew bêşek e jî vê olê. Lê belê nêzikahiyeke giran jî ew e ku eleqeya DAIŞ'ê bi îslam an olekî din nîn e û her kiryarên wan li dij îslamê ne jî. Akademisyenên wek Nurettin Turgay û Hüseyin Şeyhanhoğlu jî di nava van kesan de ne ku bixwe bi salan li ser bewerî û oldariya îslamê lêkolîn û xebat kirine. Bi ya wan DAIŞ bi dîr û nêz ji îslamê cûda ye û eleqeya wê bi îslamê nîn e. Her wiha ew herdû akademisyen bi ziman dikin ku DAIŞ ji aliyê hêz û dewletên ku naxwazin kurd li Rojhilata Navîn bibin xwedî maf û azadî û serxwebûn û ew jî bo vê hatiye sazîkirin.

Piştî lêkolîna rojnameya emerîkî New York Timesê (NYT) ya li ser jinên ezdi yê ku karibûn jî dest DAIŞ'ê rizgarbin piştrast bû ku DAIŞ jinên ezdi wek mirateya şer bi her cûreyê dij-mirovahî bikar tîne, her cûre destdirêjiya li ser jinan wek peywireke cîhadê dibîne û vî yekê wek rituleleke olî dibîne. Xwedanas Nurettin Turgay rîwangeyên ku DAIŞ'ê bi wehabîtî û selefîtiyê ve girê dide rexnekir û got: "Tu dokumentên ku bîngeha feraseta wê diyar bikin tune ne. Ji ber vî yekê DAIŞ di Îslamê de bê bîngeh e. Siyasetzan Hüseyin Şeyhanhoğlu jî angaşt ku tu pêwendîya hişmendî û kiryarên DAIŞ'ê bi îslam û çanda Rojhilata Navîn re tune ye."

Piştî ku DAIŞ'ê Musil dagir kir, li Iraq û Sûriyeyê hêz û bandora xwe zêde kir û li ser pêkhatiyên herêmen ku dagir kir pêkanînen dij-mirovahî pêk anî di qada siyasî û olî ya Rojhilata Navîn de jî li ser hebûna wê ya di nav ola Îslamê ya bîngeh, hişmendî û feraseta DAIŞ'ê jî bû cîhê nîqaşan. Bi vî mebestê me bi Serokê Beşa Zanîstî Maki ya Tefsîrê ya Fakulteya Xwedanasîyê ya Zanîngeha Dicleyê Prof. Dr. Nurettin Turgay û Gerîndeyê Navenda Lêkolînên Siyasî ya Zanîngeha Dicleyê Hüseyin Şeyhanhoğlu re li ser mijarê lêkola. Nurettin Turgay amaje bi yê ku rehên DAIŞ'ê bi mezhebên îslamî ên wekî wehhabîtî û selefîtiyê ve girê didin kir û jî ber be yî dokuman û deqên zanîstî fikr û nêrînen xwe rave dikin rexne li wan kesan kir. Turgay got: "Lew re bîngeha DAIŞ'ê ne diyar e. Wehabî, tîştên li dijî Qûr-anê qebûl nakin û liv û teverên DAIŞ'ê ne tenê li misilmanî, her wiha li dijî wehhabîtiyê ne jî. Leşkerên Seddam, piştî rûxandina Seddam bûbînen cerdevanên nepenî. Lê bi piştevaniya hin hêzan, dema ku li Iraq û Sûriyeyê valahiya desthilatê peyda bû, di van qadan de



ew cerdevan derxistin meydanê. Mebesta wan jî xirabkirina Sûriyeyê û windakirina kurdan bûn." Turgay destnîşan kir ku iro di cihana îslamê de tîkoşîna ku tê kirin ne jî bo îslamê lê ji bo desthilatdariyê ye ku ew yek jî dewra Xelfe Osman heta niha didome. Turgay got ku ne tene DAIŞ, iro hikûmeta Tirkiyeyê jî ne ji bo îslamê, jî bo desthilatdariyê tevdigere, lewre, ên li ser misilmantiyê tevdigerin, divê maf û hiqûqa tevahiya mirovan li ber çavan bigirin. Turgay anî ziman ku ji Adem Pêxember heta Hz. Mihemmed armanca hemû pêxember û pirtûkên pîroz aramî û bextewariya mirovahiyê ye û li gor Qûr-anê Xweda, Xwedayê hemû aleman ye û Qûr-an cudahiye naxe navbera jin û mêran, kurd û tirkan, misilman û nemisilmanan. Nurettin Turgay di çarçoveya îslamê de kiryarên DAIŞ'ê wiha nîrxand; "Gava ku DAIŞ kiryarên xwe yê li derveyê mirovahiyê dispêre ayetên Qûr-anê, derewan dike; Lewre li gor îslamê û li gor hemû pêxemberan, can, namûs, nijad, bawerî, mal û milk û hemû nîrx pîroz in, divê êriş li wan neyê kirin û bêne parastin."



Hüseyin Şeyhanhoğlu



Nurettin Turgay

'Koleti û cariyetî di îslamê de tune ye'
Nurettin Turgay di berdewamiya axaftina xwe de anî ziman ku çavkaniyên rêzîkên îslamê, Qûr-an û sunneta pêxember e û di tu ayetên Qur'anê de nayê gotin ku jinan jî xwe re bikin kole û got: "Pêxember qet cariyeyê negirtine. Wek nimûne; piştî şerê bi cihûyan re, jî cariyeyêkê re dibêje tu dixwazî ez te serbest berdim an li xwe mehr bikim? Jinê gotiye min mehr bike. Frotina jinan, destavêtîna bi zorê di jiyana pêxember de tune. Pêxember bi mebesta azadkirina

koleyan bi sedan kole stendine û ew azad kirine. Lê belê iro ne tenê DAIŞ, hikûmeta Tirkiyeyê jî li ser îslamê siyaseta dîke, ji Îsraîlê zalimtir e, lewre misilmanên Filîstîna di bin kontrola wan de iro bi zimanê xwe perwerdehiyê dibîne û di mizgeftên xwe de bi zimanê xwe xutbe dixwînin û weazan didin û Îsraîl ereban mecbûrî leşkeriya xwe nekiriye. Lê dewleta tirk, zimanê kurdan qedexe kiriye û mela li mizgeftan heqeret li kurdan dikin"

'Peywira DAIŞ'ê qediya'

Siyasetzan Hüseyin Şeyhanhoğlu jî pey-wir û sosyolojiya DAIŞ'ê nîrxand û got ku tu pêwendîya hişmendî û kiryarên DAIŞ'ê bi îslam û çanda Rojhilata Navîn re tune ye û DAIŞ bo armancên siyasî ji aliyê Înglîstan,

Îsraîl û Iranê ve hatiye damezrandin. Şeyhanhoğlu destnîşan kir ku rojavayî yê ku van demên dawîn, kiryarên hovane ên DAIŞ'ê tînin ziman, ji

mêj ve jî kiryarên DAIŞ'ê haydar bûne û niha xuya dibe ku kar û peywira DAIŞ'ê qediya ye û wiha domand; "Ne tenê jin, ezdi û kurd; DAIŞ'ê êrişê erebên sunî jî kiriye. Wek nimûne; Ji hoza Şammarê 750 nefer hatin şerjêkirin. Rojnameya New York Timesê di salên 1995 û 97'an de nûçeyên wiha ji bo Talibanê çêdikir; Lê belê piştî ku Taliban, li dij berjewendiyên Emerîka û rojava tevgeriya dest bi nûçeyên wiha kir. Niha jî heman tiştî dike. Ez di navbera salên 2013 û 14'an de li ser DAIŞ'ê xebitîm û min dit ku laboratuwarên kompîrturan ên DAIŞ'ê ku danegehên wan li rojava ye hene ku ji hêla rojavayîyan ve hatine damezrandin û jî wir, propagandaya xwe dikin. Li ser Facebook, Youtube û medyaya

civakî propagandaya xwe dikin û kes jî tora wan qut nake." Şeyhanhoğlu bale kişand ku di her şerî de destdirêji wek çekê li hemberî jinan tê bikaranîn, da zanin ku di şerê Balkanan de jî bi sed hezaran jinên Boşnak rastî destdirêjiyê hatine. Şeyhanhoğlu got; "Rojavayî jî mêj ve jî DAIŞ'ê haydar bûn, lê belê niha daneyên kiryarên wê yê qirê tînin ziman. Xizmeta tiştêkî dikin û diyar e ku wekî Taliban peywira DAIŞ'ê jî li cem rojavayîyan qediya ye û hewldana jîholêkirina DAIŞ'ê destpê kiriye, lê belê bi vî hilkeftê, bi ser navê mafên mirovan û yê jin û zarokan, hemû Rojhilata Navîn û misilman tene reşkirin"

'Bîngeha DAIŞ'ê hatibû amadekirin'

Li ser pîrsa 'DAIŞ'ê, çawa bi van kiryarên qirê di nav suneyan de cih girt?' jî Şeyhanhoğlu anî ziman ku DAIŞ, ne ji misilmanan, jî kesên bêxwedî şervanan peyda dike û angaşt ku bîngeha sosyolojîk ku rojavayî yê ku van demên dawîn, kiryarên hovane ên DAIŞ'ê tînin ziman, ji hatin şerjêkirin. Rojnameya New York Timesê di salên 1995 û 97'an de nûçeyên wiha ji bo Talibanê çêdikir; Lê belê piştî ku Taliban, li dij berjewendiyên Emerîka û rojava tevgeriya dest bi nûçeyên wiha kir. Niha jî heman tiştî dike. Ez di navbera salên 2013 û 14'an de li ser DAIŞ'ê xebitîm û min dit ku laboratuwarên kompîrturan ên DAIŞ'ê ku danegehên wan li rojava ye hene ku ji hêla rojavayîyan ve hatine damezrandin û jî wir, propagandaya xwe dikin. Li ser Facebook, Youtube û medyaya

Barış Güler:

Zonê însanî raya însanî ya


Ali Aydın Çiçek

Ma bi xeyr di birêz Barış Güler, ti şikîna bi kilmekî xo bidî naskerdîş?

Xêr bi silamet bira Ali, ez serra 1978 de, Gimgim de, dewa Gulika Verojî (Taşlyayla) de ama dinya. Mi ortoakul heyan sinifa diyine Gimgim de wend. Ez hîna des û çar serrî biya ma dewe caverde. Serra 1993 de ma dewe ra bar kerd şime Terkîrdag. Yanî ortam rind nêbi, kar-gure çine bî, ma mecbur bar kerd. Nêzdiyê vist serrî ma Terkîrdag de mendîme. Uşka zî ez nêşikiyo biwanî. Xora şopê şîya mektebe, menda û dîma mi mektebe serheb caverde.

Ti çi waxt ra nat muzik de eleqadar bena?

Nêzdiyê des serrî yo ke ez muzik de eleqadar bena. Wexto ke ez esker ra ama ma Çerkezkoç (Tekirdag) de jû dernek kerd ya: Pîr Sultan Abdal Kultur Derneği. Uşka ez des serrî xebetîya. Dernek de ma tîyatroy, sema, muzik û folklor viraştene. O waxt mi kî dest kerd ci muzikî ser o xebete kerde. Ma jû grûbe saz kerde. Namê grûbe “Grûb Dem” bî. Grûb Dem de, hevalan de



ma di serrî xebetîyayme. Dîma tayê hevalî şîy esker, tayê zewejîyay, tayê jî şîy Almanya. Yanî grûbe biye vîla, ez teyna mendo. Bado mi xeylê waxt teyna hênî amator muzik viraşt. Tabî ma ê roja jî vatêne “ma seba zonê xo se bikerîme”. O taw seba albumî xeylê bestê mi zî hazir bî. Mi rojê maya xo ra vat “Dayê, ez şona İstanbul album vejena.” Maya mi û çê ma nêwaşt ez bêrî İstanbul. Feqet bado maya mi qayt kerd ke verê mi nêcêna aye bi xo bawula mi kerde hazir. Ez vecîya ama İstanbul. Ama İstanbul karê tekstîl ra bicê zaf kara de xebetîya. Yanî hetê ra xebetîya hetê ra zî mi albumê xo viraşt.

Hunermendê ma yê ke kirmancî (zazakî) muzik virazenê, ti înan senî vîna û reyna mabênê înan ra pê kancin qayîl bena? En zaf kancî hunermendî na raye de to ser o tesîr kerdo?

Zemanê, sîro ke ma dewe de bîme, waxto ke cereyan şîyêne, may û piyê mi dest kerdene ci ma rê kilamî vatêne. Qe dore nêdêna ma; jûye piyê mi vatêne jûye maya mi vatêne. Yanî ez tayê jî uşka ra vecîya raye. Tewr verên de tesîrê dîna (înan) mi ser zaf o. Zobîna Yılmaz Çelik, Şivan Perwer. Reyna Mikail Aslan, Ahmet Aslan, Metin-Kemal Kahraman.

Hama nika Ahmet Aslan seba mi çayêde bin de vindeno.

Nameyê albumê to “Vengê Hardê Ma” yo. To çinayî ra nameyê albumî “Vengê Hardê Ma” na pira?

Ma ke xo ra pey nîyabidîme ma vînenîme ke mîletê ma ha wo hîris serrî ra zêde yo ke bedel dano. Yanî seba zonê xo, kulturê xo, seba hard û raya xo... Yanî zaf bedelo giran da. Ma nika qutiye (meynîke) de qaytê xo kenîme vanîme ma seba zonê xo se kerd? Para ma rê çi kewto? Hetê xo ra mi waşt ke wa no album vengê welatî bo, vengê ê hardî bo. Yanî ma rêça xo, welatê xo xo vîr ra mekerîme. Coka...

Ma ke albumê to de nîyada, hawt kilamî û jû kî şîre ca gureto. Nê kilamî, şîre û muzikê nînan aidê to yê. Na rewşê (hal) , eynî zeman de dewlemendiya hunermedî zî musnena ma. To nê besteyî û mûzikê înan bi senî hisan viraşt?

Zonê ma zaf qiymetli yo, zaf rindek o. Ez ke beste virazena qaytê xo ra pey keno, Ez ke beste virazena qaytê xo ra pey keno, Ez ke beste virazena qaytê xo ra pey keno, Ez ke beste virazena qaytê xo ra pey keno. Yanî hesreta domantiye, hesreta ê caya, ê însana...Yanî tesîrê nê cuya mi û besteyanê mi ser o zaf o.

Albumê to “Vengê Hardê Ma” eleqeyê ke ti pawena, dî?

Wile bira mîlet, ya jî ma vacîme nas û dost zaf pê qayîl beno. Yanî tepkî zaf rind o, her kes zaf desteklemîş keno. Cayêde etîknîlik, çiyê bibo veng ma danê. Hama teyna nas û dost bes nîyo, gereke mîletê ma kulî nê eseranê ma rê wayîr bivejiyo, çunke ma seba mîletê xo virazenîme.

Tarzê mûzikê to çik o?

Tarzê mûzikê mi taybet (özgün) o.

Ti kancin estrumantanê muzikî cinena?

Ez teyna tambur cinena.

Babeta ma herçiqas muzikî ser o bo zi ez wazena ke derheqe zonî de zî jû perse pers bikerî. Ti rewşa kirmancî senî vîna? Mesela, ewro her kes rind zaneno ke kirmancî sinorê vîndîbiyayene der a. Ti na babete de senî fikirîyena?

Zonê însanî raya însanî ya. Gencê ma nika nişkinê qese bikerê, zon xo vîr ra kerdo. Eyê ke metropol der ê, ê tewr qese nîkenê, kulî tirkî qese kenê. Naye de xetaya pilanê ma zî zaf a. Çunke ma vanîme, şima qey zonê xo nêmusnenê domananê xo? Vanê, îndî çax degîş biyo. No fikir şaş o! Xora dewlete zarar do zonê ma, o ke mendo şima mekişê. Jû zon jû însan o. Ma wazenîme ke no welat de ma zî zonê xo de eğiîm bikerîme, zonê xo rehet qese bikerîme. Kursa bikerîme ra. Yanî îş ma de xelesîno. Gereke ma her ca de, çê de, mektebe de, kar de zonê xo qese bikerîme. Jûmîn de yardim bikerîme. Ancax ma niya şikînimê seba zonê xo çiyê bikerîme. Zobin kes nîno çiyê nêdano ma.

Bê muzikî ti çinayî de eleqadar bena?

Ez emekçî yo. Yanî pê mi de sponsor, kes çin o. Ez hem xebetîya hem jî mi albumê xo viraşt. Yanî ez tesktîl de xebetîya. Poxê muzikî ra mi karê tekstîlî caverda feqet nika reyna kar ra fetelîna.

Naye ra dime ti derheqê muzik û zîwanî de çi fikirîyena yanî dîma nê albumî çi projeyê to estê.

Heya estê. Belkî nika rew o, feqet ez wazena ke zonê ma de çend filmanê kilman viraçî. Reyna zonê ma de tayê besteyê min ê bîni estê, eke nesîb bo, jû albumo bin.

**No roportaj verî “Newepel, Rojnameyê kulturî, Hûmare 73, Diyarbekir, Adare 2015, r. 4” de, dîma keyepelêwww.zazakî.net de weşaniyayo. Ma bi desturê editorê Newepeli uca ra neql kerd.*

Gabar Çiyan

Min, pirtûkek wiha bi dilê xwe, bi zîmanek kêşar, mijarek balkêş, ji awira dîrokî ve bi nirx û bi aghdaryên berfireh barkirî, demek e nexwendibû. Kitêba “DU PISMAM” bi hewara min ve hat. Xwendina pirtûka 298 rûpelî sê rojan dom kir. Her beş ji ya din bi heyecantir û rengintir bû. Ev yek hetanî pela dawiyê domiya.

Mamosteyê zîmanê Kurdî, nivîskar û helbestvan Felemez Akad di vê berhema xwe de, bîranînên xwe dinivîsîne. Beşek baş ji pirtûkê, xatiratên wî û pismamê wî yê “dîlpak û dilsoz” Ali Akdoğan ji hemêz dike.

Pêşketinên îro û nirxên bîdestketî di rojekî de nehatine pê. Di qonaxên dîrokî de xebat hatine kirin. Gelek kesan ked dane. Ketine zindanê, îşkence ditine. Canê xwe feda kirine û ava şehadetê vexwarine. Xebatên li ser zîman, çand, dîrokê ji xwe re kirine karên esasî û berhemên giranbuha hiştine. Beşek ji serkevtin û bîdestxistinên îro, bi saya mirasa duhî ye. Divê, xwêdan û keda wan neyê jîbirkin. Di vê çarçoveyê de berhema “DU PISMAM” bi nirx e û valabûnekê dadigre. Nivîskar bi xwe, ku şahidek ji yê wê demê, aktorek ji hêzekî siyasî û welatperwerekî Kurd lê mahkûmê dewletê ye, bi riya bîranînên xwe rewşa bakurê welêt di salên 60-80 ji hêla aborî, civakî û siyasî ve jî ronî dike. Çend rûpelên giring ji dîroka gelê Kurd, bi taybetî ya herêma Mêrdînê bi teknîka dokumenterî pêşkêşî xwendevanan dike. Mîrov, bi saya berhemê, hêz, çalakvan û têkoşerên qonaxekî nas dike. Daxwazî, program, demokrasiya nav hêzan, nêzîkbûna xelkê û dewletê li wan, bi îro re muqayese dike.

Berhemên wisa mecalê dîde lêkolînêran ku ji gelek awiran li ser civata xwe kur û hur bibin, baştir nas bikin û perspektîvên nû pêşkêşî bikin. Bê guman e ku, nivîskar ne bê alî ye. Çalakvan û endamê navendî yê hêzek netewî ye. Lê di rexnekirin û gazinên xwe de, formek erênî bikar tîne. Li gorî pîvana exlaq û normên rexnegîriya politîk, xwe ji spekulasyonan dûr digire, rexneyên wî li hêz û kesên siyasî dostanî ye. Neyarên gelê Kurd, dewletên dagîrkêr weke suçdarên herî mezin nişan dike.


Mîrov dikare xatiratên nivîskarî di bin şeş niqteyan de analiz bike: Jiyana li gund

Weke ku tê zanin herêma Omeriya Mêrdînê ji aliye şiyarbûn û piştgirîya têkoşîna netewî rolekî erênî listîye û dilize. Lewra naskirina devera Omeriya û dîroka rêvebirîya wê pir giring e. Di xebata Akad de, aghdaryên pêwîst li ser herêmê û eşîra rêvebir heye: Serokên eşîrê, şeweyê rêvebiriyê, politîka dewletê li dijî dever û eşîrê. Dubendiya di nav eşîretan û rola dewletê. Rewşa aboriyê li gundan, têkiliyên aborî di nav wan de. Nakokî û rêyên çareseriyê. Û jiyana çandî.

Barkirina nivîskarî ji gund û bicîh-bûna li Nisêbînê

Nisêbîn li ser sinorê bakur, rojava û nêzî başûrê welêt e. Kaniya welatperweran e.

Bîranînên dîrokî û rûpelên xemgîn



Di gelek qonaxên cewaz de û demên xeter dîhate bi ser Kurdên politîk de, xelkê deriyê xwe ji welatperweran re vekirî ne. Nanê xwe bi wan re parvekirine. Derdê hev kişandine. Gelek kes, derbasî bînya xetê kirine. Bajar, xwedî dîrokek kevnare ye. Ji aliye netewî ve şiyar e. Ji hêla politîk û aborî ve rola xwe mezin e.

Berhema nivîskar, balê dîde ser dîroka bajêr û qonaxekî pir giring şirove dike. Bi taybetî cî û giringiya bajêr ji awira dîrokî û siyasî. Nisêbîna kevin. Rewşa wê ya civakî û aborî. Eşîr, bavik û şexsiyetên li bajêr. Nakokîya di nav bajarî û gundiyan de. Berxwedana bajarîyên nû (gundiyan li bajêr bi cî dibîtin) li dijî bajarîyên eslî (kevin), hemêz dike. Her wisa, şiyarbûna ciwanên Kurd û xebata siyasî, nakokiyên nav eşîr û hêzên siyasî û sedemên wê ji dibe mijara vî beşî.

Xebata siyasî

Destpêkirina nivîskar bi siyasêde. Dijwariyên li pêşîya siyasatvanên ciwan. Xebat û berxwedana bi îsrar bala mîrovî dikîşîne. Nivîskar, di beşên pirtûkê de aghdaryên giring li ser mijarê dîde:

Di salên 60-80 rewşa siyasî li bakur, başûr û rojavayê welêt. Mecalên kar û xebatê. Têkiliyê wan bi hev re. Weke partiyek ji yê pêşî, xebata PDKT ê li bakurê welêt, bi taybetî herêma Mêrdînê. Rêvebirên wê,

şiklê rêvebirinê, program, kongre û biryarên PDKT ê. Nakokîya berî 12 îlona 1980 di nava hêzên Kurda de û sedemên wê. Têkiliya nivîskarî bi şexsiyetên civakî û siyasî.

Xwendina dibistanê

Nivîskar qala xwendina xwe ya destpêkê, navin û bilind dike û lê mîrov bi giştî li ser rewş û mecalên perwerdekirina zarokan li gunda. Dijwariyên li pêşîya xwendevanên welatparêz li bajaran. Dijîtiya dewletê û hêzên turk li hemberî xwendevanên Kurd li zaningehên Turkiyê. Helwêst û çalakiyên xwendevanên Kurd li dijî wan. Xebata ciwanên Kurd ji bo Kurd û Kurdistanê, dibe xwedî dîtin.

Hatina cunta 1980 î. Rewşa girtîgeha Nisêbîn û Mêrdînê. Zilma li zindana Amedê

Bi hatina 12 îlonê re, ji helekî hêzên dewletê, polis û arteş, ji aliye din hêzên reş ku dewletê îdare dikin, bi şewirmedên taybetî li bajaran bi cî bûn. Li hemû deveran girtin û îşkencekirina bêhiqûqî bû karê rojane. Di girtîgeh û zindanan de îşkence bi formên nû û hovane hate bikaranîn. Şexsiyeta Kurd, nasname û zîmanê wî hedef hatibûn girtin. Ji bo nirxên Kurdewarî bê hilweşandin çî pêwîst be, hate kirin. Xatiratên nivîskar li ser wê demê, beşek zilmê



eşkere dike.

Derketina derveyî welêt û xebata li wir

Piştî 12 îlonê zilm û taqîbata dewletê li dijî welatperweran, ne tenê li girtîgeh û zindanan, lê belê li derve jî bi şeweyê tehdît, talankirin, girtin û kûştinê didomiya. Nivîskar, mîna gelek kesên welatperwer, piştî dadgehkirina wî li Amed û berdana wî, ji taqîbat û tehdîta dewletê rizgar nabe. Mecbûr dibe ku derve derveyî welêt. Tê Swêd.

Li Swêdê jî xebata xwe di komelên demokratîk de didomîne. Di nava Partiya Sosyal Demokratên Swêde de cî digire. Li beledîya Uppsala yê de dibe xwedî meqam. Û jî bo parastina mafê Kurda dixebite û biryarên baş dîde derxistin.

Encam

Pirtûkî di 2012 de li çapxaneyê APEC ê ketiye ber çapê û belav bûye. Berhem bi kurdi hatiye nivîsîn, ji 27 beşan pêk tê û ji bo kesên bi siyasê û dîrokê dadîkevin çavkaniyek giranbuha ye. Bîranîn, bi zîmanek bilind û forma dokumentasyonekî dîrokî hatiye amadekirin. Ne tenê ji awira politîk, lê belê ji aliye çandî, civakî û aborî ve jî gelek aghdaryên giring hemêz dike. Navnişana têkiliyê ji bo destxistina pirtûkê ev e: felemezakad@spray.se.

Serdar Karatay

Nîgarsazê pêşengên kurd

Mehmet Emîn Kan

Nîgarsazî li hember desthilatdariya şerî, li Kurdistanê gelek hunermendên ku li hemberî desthilatdariyê bi hunera xwe radiwestin û wek helbesteke nû hunerên xwe derdixin pêş hene. Nîgarsaz Serdar Karatay jî yek ji wan hunermendan e. Karatay'ê 26 salî ku bi regeza xwe ereb e, li Mêrdînê gelek tabloyên kesayetên ku di doza Kurdistanê de bûne simbol çêdike. Me daxwaza hevpeyvînê jê kir û wî daxwaza me erê kir û ji me re qala huner û jiyana xwe kir.

Nîgarsazekî ereb û dostê kurd

Nîgarsazê ciwan Serdar Karatay di derbarê destpêka çêkirina wêneyan de got ku, "Ez bi eslê xwe ji navçeya Mêrdîn, Qoserê me û ez Erebe Sellaxê me, di nav jiyana min de cihê hunerê pir biqîmet e û navenda jiyana min huner e. Dema ku ez biçûk bûm min wek hemû zarokan her dem karakterên xêzefilman xêz dikirin, ew dem min hêdî hêdî pêpelokên jiyana xwe bi rê ve dibir. Dema ku ez mezin dibûm felesefeya huner ji bo civakê ye di hişmendiyê min de pêşve diçû. Dema ku min buyerên ku li der û dora min pêk dihatin, min dît û fahm kir ew dem zêdetir di aliyê çêkirina wêneyan de zelal bûm. Dema ku min lîse qedand û di sala 2011an de min zanîngeha Yûzûncû Yîla Wanê beşa Mamostetiya Wêneyê qezanc kir ew dem wek akademîk min dest bi hunera xwe kir."

Nîgarsazî haydarkirin e

Karatay'ê Kurdistanî, her çiqas wek regez ereb be jî zordestiya li kurdan tê kirin dîtîye û ji bo nîfşên nû jî ve zortestiyê haydar bike tabloyan ristiye. Karatay got: "Ez ji qirkirina ku tê meşandin haydar im û dixwazim haya nîfşên nû jî jê hebe. Lê nîfşên nû jî wan qirkirinan haydar nîn in û ez pê xemgîn dibim. Tu gel bi qasî kurdan hatiye qetilkirin û koçberkirin. Min jî wek nîgarsazekî Kurdistanî peywirek da pêş xwe ku ez ve sosretê bi tualên xwe jî nîfşê nû re vebêjim da ku nîfşên nû jî wan haydar bin. Ez zanim

ku gelên ku dîroka xwe nizanibin ew ê her dem erdnîgariya wan di bin destê dagirkeran de be. Ji wê sedemê jî dive em dîroka xwe zanibin."

Hunermend divê neheqîyan bîne ziman

Nîgarsaz Serdar Karatay astengiyên ku ji hunermendên kurd re derdikevin û wan hê zêde bi doza kurd û Kurdistanê ve girê didin wisa şîrove kir: "Cihêkî ku neheqî li wê derê hebe divê hunermend her dem ve neheqiyê bîne ziman. Muzîkjen bi stranên xwe, peykersaz bi peykerên xwe, nîgarsaz jî bi wêneyên xwe di hunera xwe de cih bidin van neheqîyan. Gelê Kurdistanê gelek êş û elem dîtî, zilm û zordariyan hê jî dibin. Aniha xebateke min li ser zilm û zordariya desthilatdarên ku Kurdistanê talan dikin heye. Kurdan tu caran azadiya ku desthilatdar ji wan re daye nedîtîye û nejiyaye." Karatay da zanîn ku li zanîngehê dema ku pêşengehê vekir ji bona ku wî kesayetê kurd û ala Kurdistanê di tabloye xwe de bi kar anîye rastî tengasiya hatiye û got, "Min bixwe jî ev rewş jîya. Mînak, di serê ve salê de li zanîngeha Yûzûncû Yîla Wanê pêşengeheke min çêbû û di wê pêşengeha min de bi pirani tabloyên kurdên bi nav û deng û bûyerên ku li Kurdistanê qewimîn bûn. Dema ku min tabloyên xwe rêz dikir mamosteyekî me dema ku tabloyê min dît bertek nîşanî min da. Ji min re got "Ev der Dewleta Tirkîyeyê ye, ez nahêlim tu van tabloyan li ve derê daleqînî. Min ev beş vekir, ez nahêlim tu wêneya vî parçekirê xayînê welat Saîdê Nursî Bedûzzaman daleqînî. Ez nahêlim tu wêneya Ajanê Mossadê Mustafa Barzanî daleqînî û di wan tabloyan de ala wan parçekira xayîna heye ez nahêlim tû wana daleqînî." û gelek heqeraten din kir. Lijneya zanîngehê civîyan û biryara tabloyên ku min amade kiribû û di pêşengeha xwe de min ê pêşandan bikira top bikin girtin. Li gor wan min tabloyên ku çêdikir li gor nîrxên vî welatî nîn bûn. Ew roj min ji xwe re soz da ku heta ez hemû buyerên ku li Kurdistanê çêdibin û çiqas kesayetên girîng hebin ez wan li ser tualê xwe xêz nekim ez wê firçê jî destê xwe danayim."

Pêşangeha rengên Kurdistanê

Karatay dibêje ku nîrxên ve erdnîgariyê jî bona wî girîng in û aniha xebatên wî yê bo vekirina pêşangeha Kurdistanê hene û got, "Ez di berhemên xwe de bi gelemperî nîrxên ve erdnîgariyê di pêş de digirim.



Ez dixwazim di demêkî nêz de bi navê Rengê Kurdistanê pêşangeheke vekim. Di wê pêşangehê de ji çar perçeyên Kurdistanê jîyan û nîrxan ez ê li ser tabloyên xwe bînim ziman. Aniha li ser wê xebatan dikim. Lewra ez aniha ku dikarim zimanê dayîka xwe erebî bi rihetî biaxifim ev sedema bedelên ku kurdan daye ye û ez zimanê dayîka xwe ku aniha kêr diaxifim, sedema wî jî qedexeyên dewletê ne. Li aliyekî qedexe li aliyê din jî gelekî ku min bi her awayî qebûl dîke hene. Ji wê sedemê aniha armanca min a sereke ku ez pêşangeha Kurdistanê vekirine. Ez çiqas xebatan bikim jî nikarim heqê birayê xwe ye kurd bidim wan."

Spî, şîn û sor rengên kurdî ne

Di berdeewama axaftina xwe de derbarê rengan de Karatay got ku, "Bi rengan re ahenga min wek tevahî nîgarsaza pir baş e. Ez jî sê rengên esasî kijan rengên ku ez bixwazim dikarim derxim holê û berhemên xwe amade dikim. Ew rewş jî min pir bextewar dîke. Dema ku tabloya min diqede û ez lê dinêrim pir kêfxweş dibim. Ji wê sedemê reng navê din ê bextewariyê ne. Li gor min rengên kurdî hene, ew reng jî spî, şîn û sor in. Kurd di dirokê de her dem hatin qetilkirin, hatin talankirin ji wan re xwîn hat rewadîtin, ve rewşê herî baş sor tîne ziman. Her çiqas ku hat talankirin, hat koçberkirin her dem ku kurdan aşitî parast jî bona wî jî rengê spî baş tîne ziman. Aniha vî gelê ku biçûk tê dîtî, bila neyê jibîrkin ku di dirokê de gelek dewletan ava kiriyê, Selaheddîn Eyyûbî û gelek serokên kurdan ku dewlet ava kirine û alayên wan ên ku bilind bûne li asîmanan jî şîn bûne. Li gor min jî



wê sedemê spî, şîn û sor rengên kurdî ne."

Bextewariya herî mezin azadiya Kurdistanê ye

Di dawîya axaftina xwe de divêtiya helwesta nîgarsazan a ji bo azadiya Kurdistanê anî ziman û got: "Her nîgarsazên kurd dixwazin çand û hunera welatê xwe di berhemên xwe de binexşîne, lê ger alikarî tune be, nikare wan berhemên li cihanê belav bike. Sedema herî mezin jî bédewletbûn e. Niha dewleteke kurdan hebûya, wê kurd di her qadê de bihatina nasîn. Heta jî destê me bê, wek nîgarsazên Kurdistanê em ê ve yekê nîşan bidin. Niha başûr gav bi gav ber bi serxwebûnê ve diçe. Ez dixwazim ku di kurtedemekê de hemû kurd azad bibin û di bin ala Kurdistanê de bi aşitî bijîn. Ji bo kurdan bextewariya herî mezin jiyana di bin ala Kurdistanê de ye." Di derbarê pêşxistina nîgarsaziya Kurdistanê de jî Karatay grîngiya hevgrîngiya nîgarsazên kurd destnîşan kir û got: "Divê saziyeke ku di bin banê wê de Yekîtiya Nîgarsazên Kurdistanê bê sazîkirin hebe. Lewre hêza hunerê jî ya siyasetê bi tîntir e."

